

ফররুখ আহমদ


১৮



ইকবালের নির্বাচিত কবিতা

ইকবালের নির্বাচিত কবিতা

ইকবালের নির্বাচিত কবিতা



ফররুখ আহমদ

ইসলামী সাংস্কৃতিক কেন্দ্র রাজশাহী
ইসলামিক ফাউন্ডেশন বাংলাদেশ

ইকবালের নির্বাচিত কবিতা/ফররুখ আহমদ

ইসাকেরা প্রকাশনা ৭ ইফা প্রকাশনা ২৭৬


প্রকাশকাল জ্যৈষ্ঠ ১৩৮৭, রজব ১৪০০, জুন ১৯৮০

প্রকাশক মাসুদ আলী, ইসলামী সাংস্কৃতিক কেন্দ্র, রাজশাহী

প্রচ্ছদ ও অঙ্গসজ্জায় আবদুর রউফ সরকার

মুদ্রণে মনোরম মুদ্রায়ণ ২৪, খ্রীশদাস লেন, ঢাকা

মূল্য দশ টাকা



IQBALER NIRBACHITA KOBITA

The Selected Poems of Iqbal Translated and compiled by Farrukh Ahmed Published by Islamic Cultural Centre Rajshahi

Price TAKA TEN

প্রকাশকের কথা

বিশ্ব সাহিত্যের বরেন্য কবি ইসলামী আদর্শ ও ঐতিহ্যের
রূপকার মহং মানবতাবাদী আল্লামা ইকবালের কয়েকটি
কবিতা নির্বাচন ও অনুবাদ করেছিলেন ইসলামী রেনেসাঁর কবি
ফররুখ আহমদ যিনি নিজে তাঁর জীবন ও কর্মে ইসলামকে
অনুশীলন করার প্রয়াস পেয়েছিলেন আন্তরিকভাবে—এ
যেনো এক প্রদীপের আলোকে অন্য এক প্রদীপ আলোকিত
হবার মতো দুল্লভ ঘটনা।

আমরা কবি ফররুখ আহমদ-এর নির্বাচিত ইকবালের কবিতা
প্রকাশ করতে পেরে শুদ্ধকরিয়া জানাচ্ছি মহান আল্লাহ্‌র
দরবারে।

মাসুদ আলী
আবাসিক পরিচালক
ইসলামী সাংস্কৃতিক কেন্দ্র
রাজশাহী

সূচীপত্র

আদমের প্রতি পৃথিবীর আশ্রয় অভিনন্দন	১
শাহীন	৪
ইনকিলাব	৫
খোদার ফরমান	৬
গজল ও গীতিকা	৭
তারেকের দো'আ	১০
কর্ডোভা মসজিদ	১২
জিব্রাইল ও শয়তান	১৯
বু'আলী কলন্দর	২১
পাঞ্জাবের পীরজাদাদের উদ্দেশে	২৫
পাশ্চাত্যের শক্তি	২৬
গতি	২৭
আলমে বরজাখ	২৮
জামানা	৩১

- ৩৪ মোনাজাত
 ৩৮ অশ্বতর ও সিংহ
 ৩৯ ‘শেকোয়া’ থেকে
 ৪৪ জওয়াব-ই-শিকওয়া
 ৪৮ খোদার ছনিয়া
 ৪৯ ব্যক্তি ও সমাজের সম্পর্ক
 ৫১ আসরারে খুদী : সূচনা খণ্ড
 ৬১ ভিক্ষা
 ৬৪ আকাক্ষা
 ৬৮ ঈমান
 ৭৯ শৃঙ্খলা
 ৮ মর্দে মোমিন
 ১ কবিকা
 গাহাড় ও কাঠ বিড়ালি
 দোওয়া

একজন শ্রেষ্ঠ দার্শনিক-কবি হিসাবে আল্লামা মুহাম্মদ ইকবাল আন্তর্জাতিকভাবে সুপরিচিত ; তাঁর জীবদ্দশায়ই তিনি ইসলামী আদর্শ ও ঐতিহ্যের রূপকার, মহৎ মানবতাবাদী কবি হিসাবে স্বদেশে-বিদেশে খ্যাতি ও প্রতিষ্ঠা লাভ করেন। তাঁর রচনার অন্তর্গত বাণীর আবেদন ছাড়াও রূপের ঐশ্বর্য এবং শিল্প-সাক্ষ্যও ইকবালকে এই খ্যাতি ও প্রতিষ্ঠা দেয়। স্বদেশের বিভিন্ন ভাষায় যেমন তেমনি আন্তর্জাতিক ছনিয়ার বিভিন্ন ভাষায়ও ইকবালের কবিতার, কাব্যগ্রন্থের এবং দার্শনিক-চিন্তামূলক প্রবন্ধাদির অনুবাদ হয়েছে।^১ এই অনুবাদেদের তালিকা যেমন দীর্ঘ, অনুবাদকের সংখ্যাও তেমনি স্বল্প নয়। ইকবালের কাব্য ও অগ্রাগ্র রচনার অনুবাদকদের মধ্যে রয়েছেন প্রাচ্য ও পাশ্চাত্যের অনেক প্রখ্যাত কবি-সাহিত্যিক, সুপণ্ডিত এবং আন্তর্জাতিক খ্যাতি-সম্পন্ন ব্যক্তিত্ব।

প্রাচ্য ও পাশ্চাত্যের বিভিন্ন ভাষায় ইকবাল-কাব্যের ও তাঁর অগ্রাগ্র রচনার অনুবাদ শুরু হয় চলতি শতকের দ্বিতীয় দশকের দিকেই। গত প্রায় অর্ধ শতকেরও অধিককাল ধরে বাংলা-ভাষায়ও ইকবালের কাব্যগ্রন্থ, কবিতা ও গল্পরচনার বহু অনুবাদ হয়েছে। তাঁর অনেক বিখ্যাত কাব্য এবং কবিতার অনুসরণে ও অনুকরণে বাংলা-ভাষায় রচিত হয়েছে কিছু কিছু কবিতা ও কাব্য। উপজীব্য আহরণে যেমন, রচনার আঙ্গিক ও রূপরীতি অনুসরণ এবং উপমা, চিত্রকল্প, রূপক ইত্যাদি ব্যবহারেও তেমনি ইকবালের প্রভাব বর্তেছে অনেক বাঙালী কবির

(১) ইকবালের কাব্যগ্রন্থ ছনিয়ার বহু ভাষায় প্রথমতঃ ইংরেজী, জার্মান, ইতালীয় ও রুশ ভাষায় তর্জমা করা হয়েছে। তাঁর কবিতার কতিপয় তর্জমা বেরিয়েছে করাচী, তুর্কী ও আরবী ভাষায়। তাঁর বেশীর ভাগ রচনা উর্দু ও ফারসী ভাষায় লেখা। বহু সমালোচক মত প্রকাশ করেছেন যে, তাঁর ফারসী কবিতা সংগ্রহ কেবল সংখ্যায় নয়, বরং গুণের দিক দিয়েও তাঁর রচনাবলীর শ্রেষ্ঠ অংশ বলে বিবেচিত হবার দাবী রাখে। ইকবাল : বিশ্বজনীনতার কবি, ডক্টর এম. ডি. ভাসীরা, এম. এ. পি. এইচ, ডি (ক্যাটাব), অনুবাদ : সৈয়দ আবদুল মান্নান, ইকবাল মানন. পৃঃ ৫৩)

ওপর। ফররুখ আহমদের কোনো কোনো কবিতায়ও এর স্বাক্ষর আছে। ইকবাল-কাব্যের একনিষ্ঠ পাঠক, তাঁর কবিতা ও গদ্যরচনার অনুরাগী, আদর্শের অনুসারী এবং ইকবালের বহুসংখ্যক কবিতার অনুবাদক হিসাবে ফররুখ আহমদের ওপর এই প্রভাব ছিল খুবই স্বাভাবিক।

মনে রাখা দরকার যে, ইকবাল-কাব্য অনুবাদে বাঙালী মুসলমান লেখকদের আত্মনিয়োগের মূলে সাহিত্য-শিল্পগত কারণ ছাড়াও রাজ-নৈতিক, সামাজিক, সাংস্কৃতিক এবং ঐতিহ্যগত কারণও ছিল। ইকবালের কবিতা ও অগ্ৰাণু রচনার সাথে বাঙালী মুসলমান লেখকদের পরিচয় ঘটে এমন এক সময়ে যখন উপমহাদেশে মুসলিম জাগরণ-আন্দোলন জোরদার হয়েছে এবং স্বাধীনতা সংগ্রামও ব্যাপ্তি লাভ করেছে; পরবর্তীকালে ‘রেনেসাঁ-আন্দোলনের’ পটভূমিতে ইকবালের রচনা ও তাঁর চিন্তাধারা রাজনৈতিক ও সাংস্কৃতিক আন্দোলনেও অনুপ্রেরণা জোগায় এবং উৎসে পরিণত হয়। উর্দু, ফারসী, ইংরেজী—এই তিন ভাষায়ই ইকবাল কাব্য রচনা করেছেন, যদিও তাঁর দার্শনিক রচনাবলী প্রধানতঃ ইংরেজীতেই লেখা। তবে অনেকের মতে, ফারসী ভাষায় রচিত ইকবালের কবিতাবলীই উৎকৃষ্টতর। এর মূলে ফারসী ভাষার শ্রেষ্ঠত্ব এবং কাব্য-ঐতিহ্য কতটা কাজ করেছে তা বিশেষজ্ঞরাই ভালো বলতে পারবেন। যেহেতু ফারসী ইরান ছাড়াও সন্নিহিত অঞ্চলের জনগণের ভাষা এবং এই উপমহাদেশে এককালে রাষ্ট্রভাষা ছিল, ফারসী জ্ঞান লোকের সংখ্যাও কম নয়, সে কারণেও সম্ভবতঃ ইকবাল ফারসী ভাষায় কাব্য রচনা করে থাকবেন। হয়তো কবির মনে এই বাসনাও সংগোপন ছিল যে, তাঁর বাণী ও কাব্য-শিল্পের আবেদন আন্তর্জাতিক ছুনিয়ায়ও ছড়িয়ে পড়ুক।

ইসলামী আদর্শ ও মুসলিম রেনেসাঁর রূপকার এবং স্বদেশ ও স্বজাতির নবজাগরণের বাণীবাহক হলেও ইকবাল ছিলেন মূলতঃ মান-বতাবাদী কবি, তাঁর বাণী এবং কাব্য-শিল্পের আবেদনও তাই বিশ্ব-মানবতার কাছেই। ইকবাল-সাহিত্যের এই বিশ্বজনীন আবেদনের জন্যে তো বটেই, উপরন্তু, মুসলিম নবজাগরণ এবং ইসলামী আদর্শের বাণীবাহক বলেও, এই মহাকবির রচনা এ দেশের বিদ্বজ্জনমহলে

এবং পাঠক-মনেও ব্যাপকতর ও গভীরতম আবেদন নিয়ে উপস্থিত হয়েছে। উর্দু ও ফারসী ভাষায় রচিত ইকবালের কাব্যকবিতার মূলের সাথে পরিচয়ের সুযোগ সীমিতসংখ্যক লোকেরই ঘটেছে বটে, তবে অনুবাদেও তাঁর রচনার আবেদন কম ব্যাপ্তি লাভ করেনি। এর একটা প্রধান কারণ, বাংলা-ভাষায় ষাঁরা ইকবালের কাব্য-কবিতার অনুবাদ করেছেন, তাঁদের মধ্যে অনেকেই প্রতিভাবান ও খ্যাতিমান কবি। কাজী নজরুল ইসলাম ইকবালের কোনো রচনা অনুবাদ করেননি বটে, তবে প্রাচ্যের এই মহাকবির রচনার সাথে যে তাঁর অন্তরঙ্গ পরিচয় ছিল, সে কথা মুহম্মদ শুলতান অনুদিত ইকবালের ‘শেকোয়া ও জওয়াবে শেকোয়া’ কাব্যগ্রন্থের ‘ভূমিকা’ পাঠেই বোঝা যায়। তাতে নজরুল এই অনুবাদ মূলের সাথে মিলিয়ে পড়েছেন বলে নিজেই উল্লেখ করেছেন।

ফারসী কাব্যের সুদক্ষ অনুবাদক, বাংলায় হাফিজ ও ওমর খৈয়ামের রচনার অগ্রতম শ্রেষ্ঠ ভাষান্তরকারী নজরুলের কাছ থেকে আমরা ইকবালের কোনো অনুবাদ পাইনি বটে, তবে তাঁর পূর্বসূরী-উত্তরসূরী অনেক খ্যাতিমান কবিই ইকবাল-কাব্যের অনুবাদে তাঁদের শ্রম ও অভিনিবেশ নিয়োজিত করেছেন, দক্ষতার পরিচয় দিয়েছেন। গত অর্ধশতকেরও অধিককালের পরিধিতে ষাঁরা ইকবাল-কাব্যের অনুবাদে অবদান রেখেছেন তাঁদের মধ্যে কবি শাহাদাৎ হোসেন, কবি গোলাম মোস্তফা, অমিয় চক্রবর্তী, আবদুল কাদির, মহীউদ্দিন, আহসান হাবীব, আবুল হোসেন, সৈয়দ আলী আহসান, তালিম হোসেন, আবুল কালাম মুস্তফা, মনিরউদ্দিন ইউসুফ, আবদুল হাকিম, মুনীর চৌধুরী, আবদুর রশীদ খান, মুফাখখারুল ইসলাম, নেয়ামাল বাসির প্রমুখের নাম এ প্রসঙ্গে উল্লেখযোগ্য। ইকবাল-কাব্যের অনুবাদের পটভূমি এবং এক্ষেত্রে পূর্ব-সূরীদের ভূমিকা ও অবদান সম্পর্কে আলোকপাত করতে গিয়ে সৈয়দ আলী আহসান লিখেছেন :

“বাংলাতে তাঁর (ইকবালের) প্রথম অনুদিত গ্রন্থ ‘শেকোয়া’। যে সময় বাঙালী মুসলমান নজরুল ইসলামকে পুরোভাগে রেখে আপন দ্ব্যর্থ-দ্বন্দ্বশার নিবৃত্তি খুঁজছে, স্বস্তিহীন মুহূর্তে সে আল্লাহর বিরুদ্ধেও

অভিযোগ এনেছে, তখন ইকবালের ‘শেকোয়া’ সে আপন মনের অনুরণন শুনেছিলো। চরম দারিদ্র্যে নিষ্পিষ্ট, দুঃখে জর্জরিত এবং তৎসহজ আত্মঘাতী কবি আশরাফ আলী খান ‘শেকোয়া’র প্রথম তর্জমা করেছিলেন। আশ্চর্য আবেগ এবং গতির মধ্যে আশরাফ আলী ‘শেকোয়া’র আপন মনের প্রতিফলন দেখেছিলেন, তাই তাঁর অনুবাদ আক্ষরিক না হলেও, আন্তরিকতায় উজ্জ্বল এবং কাব্য-সৌন্দর্যে নবোদিত সূর্যের বর্ণবৈচিত্র্যের মতো। এরপর ‘শেকোয়া’র তর্জমা অনেক হয়েছে—মুহম্মদ সুলতান, মীজানুর রহমান, ডক্টর মুহম্মদ শহীদুল্লাহ—এ তিনজনের নামই বিশেষভাবে উল্লেখযোগ্য।^২

‘আসরারে খুদী’র প্রথম বাংলা তর্জমা করেন সৈয়দ আবদুল মান্নান। অনুবাদটি জনপ্রিয়ও হয়েছে। আবদুল মান্নান গড়ে তর্জমা করেছেন। এরপর আমি সপ্তম অধ্যায় পর্যন্ত কাব্যানুবাদ করেছিলাম। আমি মূলকে যথাযথভাবে অনুসরণ করিনি, শুধু মূলীভূত তত্ত্ব এবং আদর্শকে অক্ষুণ্ণ রাখতে চেয়েছি। ফররুখ আহমদও কাব্যে অংশ-বিশেষ অনুবাদ করেছেন।”

ফররুখ আহমদ অনূদিত ‘ইকবালের কবিতা’ সম্পর্কে আলোকপাত এবং এই অনুবাদকর্মের গুরুত্ব ও তাৎপর্য উপলব্ধি করতে হলে স্বভাবতই কিছুটা ইতিহাস এবং উপরোক্ত পটভূমিকার দিকে ফিরে তাকাতে হয়। মূল লেখক ও অনুবাদকের অনন্তসাধারণ কবি-প্রতিভা, সাহিত্যে—বিশেষ করে কাব্যক্ষেত্রে তাঁদের অসামান্য অবদান, চিন্তাধারা ও জীবনাদর্শের দিক থেকে উভয়ের মিল ও মানস-সাম্যজ্ঞ এবং সর্বোপরি ইসলামী আদর্শ ও ঐতিহ্যের নবরূপায়ণে, আর স্বদেশ ও স্বজাতির নবজাগরণে তাঁদের অবিস্মরণীয় ভূমিকা ও অবদানই এটুকু দাবী করে।

বিভাগ-পূর্বকালেই ফররুখ আহমদ ইকবাল-কাব্যের অনুবাদ কর্মে আত্মনিয়োগ করেন। চল্লিশের দশকে ‘রেনেসাঁ-আন্দোলনের’ পটভূমিতেই ইকবালের কবিতা ও তাঁর দার্শনিক-চিন্তাধারার সাথে ফররুখ আহমদের ব্যাপক পরিচয় ঘটে। সে-সময়েই তিনি ইকবাল-কাব্যের

(২) ইকবালের কবিতা, ভূমিকা দ্রষ্টব্য, প্রকাশক : প্যারাডাইজ লাইব্রেরী, ১৯৭২

অনুবাদে আত্মনিবেদিত হন এবং ইকবাল সম্পর্কে প্রবন্ধও লেখেন একই সময়ে। তাঁর সমসাময়িক ও সহযাত্রী অনেক কবিও ইকবাল-কাব্যের অনুবাদে, ইকবাল-সাহিত্যের মূল্যায়নে ব্রতী হন। ইকবাল-কাব্যের সাথে পরিচয় ও তাঁর কাব্যানুবাদের এই পটভূমি বিশ্লেষণ করে সৈয়দ আলী আহসান লিখেছেন :

“নজরুল ইসলামকে পুরোভাগে রেখে বাঙ্গালী মুসলমান যখন জীবনের ভিত্তিহীনতার জ্ঞান অভিযোগ তুলছে, তখন ইকবালের ‘শেকোয়া’র সঙ্গে আমাদের পরিচয়। নজরুলকে পথিকৃৎ মেনে আশরাফ আলী খান আল্লাহর বিরুদ্ধে অভিযোগ আনলেন আমাদের জীবনের বিপর্যয় ও স্বস্তিহীনতার জ্ঞান এবং সত্যাদর্শের অভাবের জ্ঞানও। ‘শেকোয়া’য় তিনি আপন মনের অনুরণন শুনলেন। কাব্য হিসেবে ‘শেকোয়া’র মূল্য যতই লঘু হোক না কেন, এর অভিযোগ আমাদের অনুভূতিতে শিহরণ তুলেছিলো। নজরুলকে ভালো লেগেছিলো, ইকবালকে আরও ভালো লাগলো। নজরুলের দীপ্তি অসাধারণ, কিন্তু সেই দীপ্তির দাহন আছে - স্নিগ্ধতা নেই; ইকবালের কাব্যে জ্বালা আছে কিন্তু ধর্মের স্থির সত্যের সঙ্গে তার অসঙ্গতি নেই, তাই তা’মূলতঃ প্রশান্ত এবং জীবনানুভূতিতে অতুলনীয়।

এরপর যখন তিনি স্পষ্ট ভাষায় হিন্দু থেকে বিপ্লিষ্ট হয়ে ভারতীয় মুসলমানকে অথ এক জাতীয় ঐক্যতত্ত্বের সন্ধান করতে বললেন, তখন তাঁকে আমরা নেতৃপদ দিলাম।...পাকিস্তান পরিকল্পনার উদ্বেষ হলো এভাবেই। রাষ্ট্রনৈতিক পরিকল্পনা নয়, কিন্তু আদর্শের স্বীকার। সাহিত্যে আত্মনিয়ন্ত্রণের কথা শুনা যেতে লাগলো আরও পরে ১৯৪০ খ্রীষ্টাব্দে মুসলিম লীগের লাহোর প্রস্তাবের পর। বলা হলো প্রকাশ্যেই যে, আমাদের সাহিত্য হবে আলাদা, কেননা, আমাদের জীবনবোধ হিন্দুদের সঙ্গে সংস্কৃত নয়। কবিতার ক্ষেত্রেই এ আদর্শের অনুসৃতি হলো সার্থক। পাকিস্তান তখনও পর্যন্ত আবেগ, উল্লাস ও কল্পনার এবং কবিতাই হল এ আবেগ প্রকাশের একমাত্র পরিসর। এ বক্তব্যের সঙ্গে রূপকল্পের সমন্বয় সাধনের পর কখনও কখনও কারো কবিতা শ্রোত্ররসায়নও হয়েছে। কিছুটা অগভীরভাবে হলেও,

কাব্যক্ষেত্রে তিনটি ধারার চিহ্ন দেখা গেলো—ইসলামী ঐতিহ্যের কাহিনী ও সৌন্দর্যের ধারা ; ইসলামের সত্য বিশ্বাস এবং উপলব্ধিগত আদর্শ জীবনবোধ এবং সর্বশেষে পুঁথি-সাহিত্য ও পল্লীগীতির রূপ এবং কল্পনার জীবন। ইকবালের প্রভাব কার্যকরী হয়েছিলো প্রথম দু'টি ক্ষেত্রে। ইকবালের প্রভাবে এ দু'টি ধারা বলিষ্ঠ হয়েছিলো এবং নতুন রূপ নিয়েছিলো—ক্ষীণ প্রাণধারা শ্রোতাবেগ পেয়েছিলো।”

(ইকবালের কবিতা, ভূমিকা দ্রষ্টব্য)

উপরোক্ত বক্তব্যের সত্যতার সমর্থন মিলবে সে-সময়ে লেখা ফররুখ আহমদের ও তাঁর সমসাময়িক ও সহযাত্রী কবিদের অনেকের রচনায়। বলেছি, ফররুখ আহমদ যেমন ইকবাল-কাব্যের অনুবাদ করেছেন, তেমনি এই মহাকবির কোনো-কোনো কবিতা অবলম্বনে লিখেছেন নতুন কবিতা। প্রসঙ্গতঃ তাঁর ‘জওয়াব-ই-শেকোয়া’র অনুকরণে ‘জওয়াব’ শীর্ষক কবিতাটি উল্লেখ করা যেতে পারে। কাব্য-সাধনার প্রাথমিক-পর্বেই ফররুখ আহমদ তাঁর একটি কবিতায় বলেছেন :

এ আকাশ মুছে যাক এ আকাশে এসেছে জীর্ণতা।

তিনি আরও বলেছেন :

তবে মুখ ঢাকো আজ হায় বক্ষ্যা আচ্ছন্ন সবিতা

দীপ্ত দিন তুলে ধরো অধারের কালো যবনিকা।

[নাটক]

মনে হয়, প্রাচ্যের দার্শনিক মহাকবি আল্লামা ইকবালের কবিতার সঙ্গে ফররুখ আহমদের অন্তরঙ্গ পরিচয় তাঁর কাব্যসাধনার প্রাথমিক পর্বেই ঘটে গিয়েছিলো। ফররুখ আহমদ-অনুদিত ইকবালের একটি কবিতায় আছে : ‘এ আকাশ জরাজীর্ণ এইসব তারারা পুরান/আমি চাই সদ্যজাত পৃথিবী নতুন।’ ইকবালের মতো দার্শনিকমনের অধিকারী না হলেও, কাব্যক্ষেত্রে প্রাচ্যের এই মহাকবির আদর্শের অনুবর্তিতা ফররুখ আহমদের রচনায় বিশেষভাবেই দৃষ্টিগ্ৰাহ্য। ১৯৪৫ সালেই কাজী আবদুল ওহুদ ফররুখ-কাব্যের এই দিকটির প্রতি ইঙ্গিত করে লিখেছিলেন : “বাংলার মুসলমানদের মধ্যে যারা অগ্রগণ্য সাহিত্যিক তারা অবশ্য প্রধানতঃ বুদ্ধির মুক্তিবাদী। তবে মোটের ওপর নিঃসঙ্গ

সাহিত্যিক। আত্মনিয়ন্ত্রণী দলের সাহিত্যিক ও সাহিত্যোৎসাহীদের মধ্যে কিছু উল্লেখযোগ্য হয়েছেন ফররুখ আহমদ। তিনি ইকবালের অনুবর্তী হতে চেষ্টা করেছেন, যদিও ইকবালের দার্শনিক মেজাজ তাঁর নয়। তিনি তরুণ, বিচার-বিশ্লেষণ নয়, সুপরিণতিই তাঁর জ্ঞান আজ কাম্য।”

পরবর্তীকালে, ইকবালের কবিতা অনুবাদে আত্মনিয়োগের ফলে এই আদর্শ-অনুবর্তিতা এবং অনুসরণ আরও স্পষ্ট হয়েছে। উল্লেখ্য, বিভাগ-পূর্বকালে তো বটেই: (সাবেক) পাকিস্তান প্রতিষ্ঠিত হওয়ার পরও গত দুই-আড়াই দশকে ফররুখ আহমদ ইকবালের বহুসংখ্যক কবিতা অনুবাদ করেন। সে-সব কবিতার মধ্যে রয়েছে—তাঁর পূর্বসূরী ও সমসাময়িক কবিদের অনূদিত কবিতা ছাড়াও, ইকবালের অনেক কবিতা—যা’ ইতি-পূর্বে অনূদিত হয়নি। কিন্তু বহুসংখ্যক কবিতা অনুবাদ করা সত্ত্বেও, এই দীর্ঘ সময়ের পরিধিতেও, ফররুখ আহমদ-অনূদিত ইকবালের কবিতা আলাদাভাবে গ্রন্থাকারে প্রকাশিত হয়নি। ১৯৫২ সালে প্রকাশিত ও সৈয়দ আলী আহসান-সম্পাদিত ‘ইকবালের কবিতা’ সংকলনে স্থান পায় ফররুখ আহমদ-অনূদিত ইকবালের ১২টি কবিতা। বাকী কবিতা-গুলির অনুবাদক সৈয়দ আলী আহসান ও আবুল হোসেন। এ-প্রসঙ্গে সৈয়দ আলী আহসান লিখেছেন,

“বর্তমান গ্রন্থে স্থান পেয়েছে ফররুখ আহমদ, আবুল হোসেন ও আমার তর্জমা।...অনুবাদের ক্ষেত্রে প্রধানতঃ আমাদের অবলম্বন ছিলো ইকবালের কবিতার ইংরেজী তর্জমা। ‘আসরারে খুদী’ ছাড়া অগ্রাগ্র কবিতার ক্ষেত্রে মূলের সঙ্গে মিলিয়ে দেখা সম্ভব হয়েছে। যাতে ভাষান্তর মূলের সঙ্গে যথাযথ থাকে।

ফররুখ আহমদের ‘পূর্বানী’, ‘বুআলী কলন্দর’ ও ‘ভিক্সা’ ‘আসরারে খুদী’র তিনটি অধ্যায়ের তর্জমা—প্রথমটি অংশবিশেষ, পরের দুটি সম্পূর্ণ। অনুবাদের জ্ঞান ফররুখ আহমদের অবলম্বন ছিলো নিকলসন-কৃত ‘আসরারে খুদী’র ইংরেজী তর্জমা।” (এ)

পরবর্তীকালে, ১৯৬৭ সালে পাকিস্তান পাবলিকেশন্স-প্রকাশিত ‘ইকবাল-চরনিকা’ সংকলন-গ্রন্থেও ফররুখ আহমদ-অনূদিত অনেকগুলি কবিতা অন্তর্ভুক্ত হয়।

‘ইকবালের নির্বাচিত কবিতা’ই ফররুখ আহমদ-অনুদিত কবিতার প্রথম গ্রন্থ। উল্লেখ্য, এই গ্রন্থের অন্তর্গত ইকবালের কবিতাবলী ইতিপূর্বে আবদুল মান্নান সৈয়দ ও আমার সম্পাদনায় প্রকাশিত ‘ফররুখ-রচনাবলী’তেও স্থান পেয়েছে। এসব অনুদিত কবিতায় ফররুখ আহমদ মূলের সাথে কতটা সঙ্গতি রক্ষা করতে পেরেছেন, ভাষান্তরে দিতে পেরেছেন কতটা দক্ষতা ও সাফল্যের পরিচয়, তা বিচার করতে হলে, অনুবাদের নিয়ম-কানুন, কায়দা-কৌশল এবং শিল্পরূপের নিরিখেই তা যাচাই করতে হবে। মনে রাখা দরকার, ফররুখ আহমদ তাঁর অনুবাদকর্মে অবলম্বন করেছেন মূল রচনার ইংরেজী-অনুবাদ এবং অগ্র অনুবাদকদেরও অবলম্বন হয়েছে প্রধানতঃ ইংরেজী-অনুবাদই। মূল রচনা এবং ইংরেজী অনুবাদের সঙ্গে মিলিয়ে দেখা ছাড়াও, অগ্রদের অনুবাদের সঙ্গে মিলিয়ে তুলনামূলক বিচারেও এই অনুবাদের মূল্যায়ন করা যেতে পারে।

রবীন্দ্রনাথের বক্তব্যের প্রতিধ্বনি করে বলা যায়, অনুবাদ ‘কাশ্মীরী শালের উন্টোপিঠের মতো।’ সঙ্গত কারণেই, অনুবাদে মূলের সৌন্দর্যের সাক্ষাৎলাভ সবক্ষেত্রে সহজ নয়, সম্ভবও নয়। বিশেষ করে কাব্যের অনুবাদে ভাবদেহের পরিচয় মিললেও, রূপ-সৌন্দর্য এবং কাব্যের মনোহর লাবণ্যের সাক্ষাৎ সব সময় মেলে না। স্বল্পশক্তিমান অনুবাদকের হাতে পড়ে এ-কারণেই বহু মহৎ কবির কাব্যের বিপর্যয় ঘটেছে, তাঁদের সম্পর্কে তুল ধারণার সৃষ্টি হয়েছে। উৎকৃষ্ট অনুবাদের অভাবে এবং দুর্বল অনুবাদের দরুন, সমগ্র বিশ্বপটভূমিকায় রবীন্দ্র-কাব্যের মহিমা যে অনেকটা নিস্প্রভ হয়ে এসেছে, এ হুঃসংবাদ বুদ্ধদেব বসু তাঁর একটি রচনায় কয়েক বছর আগেই পরিবেশন করেছিলেন। অবশ্য অনুবাদে নবসৃষ্টিও সম্ভব। ফিটজেরাল্ড বা কাস্তি ঘোষের মতো দক্ষ অনুবাদকের হাতে পড়লে অনুবাদ-কাব্য নবসৃষ্টির মহিমা পায়। ইকবালের জন্তে দুর্ভাগ্যের কথা এই যে, অনেক অক্ষম অনুবাদকের হাতে তাঁর কাব্যের মহিমা ও মাধুর্য লাঞ্চিত হয়েছে। বিশেষ করে বাংলা ভাষায় যারা ইকবাল-কাব্যের অনুবাদ করেছেন, তাঁদের অনেকেই স্বজনক্ষমতার অভাবে এবং আক্ষরিকভাবে মূলানুগ হবার মুঢ় বাসনায় উদ্দীপিত হয়ে, ইকবাল-কাব্যের বিপর্যয় ডেকে এনেছেন। তাঁরা এ সত্য বিস্মৃত হয়েছেন যে,

অনুবাদ-অর্থ মূলের ভাষাস্তর মাত্র নয়, মূল সৌন্দর্যের নবরূপায়ণও বটে। নবসৃষ্টির মহিমায় মাধুর্যময় এবং আকর্ষণীয় করে তুলতে না পারলে, অনুবাদ বিপর্যয়কেই প্রেশ্রয় দেয়। উল্লেখিত অনুবাদকদের কল্যাণে আমরা ‘দার্শনিক’ ইকবালকে পেয়েছি বটে, কিন্তু কবি ইকবালকে অনেক-ক্ষেত্রেই হারিয়েছি।^৩

ইকবাল সম্পর্কে প্রখ্যাত উর্দু কবি ফয়েজ আহমদ ফয়েজ বলেছেন : তাঁর দর্শন ও জীবনের অগ্ণাত দিক নিয়ে মতো লেখা প্রকাশিত হয়েছে, তার তুলনায় তাঁর কবি-প্রতিভা ও সৃষ্টির ঐন্দ্রজালিক শক্তিমত্তা সম্পর্কে খুব কম বিশ্লেষণমূলক আলোচনা হয়েছে। অথচ তাঁর বাণীর প্রাণবন্ত এবং শক্তির উৎস হচ্ছে তাঁর কবিতা। ফয়েজের লেখা থেকে জানা যায়, উর্দু কাব্যে ইকবাল অর্ধ ডজন নতুন ছন্দ প্রবর্তন করেন, প্রথম সার্থক-ভাবে নামবাচক বিশেষ্য ব্যবহার করেন এবং অসংখ্য নতুন শব্দ আমদানী করেন। অপরিচিত ধ্বনি, শব্দ ও বিশেষ্য পদ ব্যবহারের মাধ্যমে ইকবালের কাব্যিক ব্যঞ্জন্য সৃষ্টির কৌশল সম্পর্কে ফয়েজ বলেন : ইকবালের মতো আর কোনো কবি উর্দু কবিতায় ব্যঞ্জন ও স্বরবর্ণের এতখানি ধ্বনি-বৈচিত্র্য সৃষ্টি করতে পারেননি। এ পদ্ধতির তিনিই উদ্গাতা। আর ইকবালের অণ্বেষা হলো বিশ্ব-জগত ও মানুষ, বিশ্ব-জগতের মুখোমুখি মানুষ। তাঁর কবিতার শেষ কথা হলো : মানুষের কথা, মানুষের বিশ্বের কথা, মানুষের একক মর্যাদার কথা। ফয়েজের দৃষ্টিতে, এই মূল্য-বোধই ইকবালের কবিকীতিকে অতুলনীয় মর্যাদায় অভিষিক্ত করেছে।

ভাব-সম্পদের মতো কাব্যের রূপসৃষ্টির ক্ষেত্রেও ইকবাল নবসৃষ্টির মহিমা সঞ্চারিত করেছেন। কাব্যের টেকনিক বা আঙ্গিক নিয়ে পরীক্ষা-

(৩) “তাঁহার কবিতায় শিল্পী ও স্রষ্টার সংমেলন ঘটিয়াছে, কারসী ও উর্দু উভয় ভাষারই চোত ও সুসজ্জিত কবিতার ইকবাল মিনারেট সমূহের সুদূরবর্তী ইশারা ও আরবীর মত বাণু-কার চাকচিক্যময় স্বর্ণ আমাদের চোখে আগাইয়াছেন। জীবনের বাস্তবতার পটভূমিকায় নীলিম নিঃশীতলা ঘন এখানে গলিয়া পড়িতেছে। তাঁহার রহস্যবাদ জীবনের সম্মুখীন হইয়াছে, তবু ইহা ঘন রহস্যের অন্তলতাকে স্পর্শের জন্য ব্যাকুল। তাঁহার ভাষায়ও প্রাঞ্জল শব্দাবলী ঘন অগম্য অন্তলতাকে প্রকাশিত করিয়া দিতেছে। সুদৃক জহরী যেভাবে স্বর্ণ ও মূল্যবান প্রস্তরাদি চয়ন করিয়া থাকে, ইকবালও তেমনই সতর্কতাসহকারে শব্দ চয়ন করিতেছেন। তবুও তাঁহার শৈল্পিক নৈপুণ্যতা ও ভারসাম্য রক্ষার অন্তরালে স্রষ্টার বাস্তবতাবোধ প্রভবান।” (ইকবাল, অমির চক্রবর্তী, মুহম্মদ হাবীউল্লাহ্ বাহার সম্পাদিত ‘কবি ইকবাল’, বুলবুল হাউস, কলকাতা, ১৯৪১, ৩৪র্থ পৃষ্ঠা)

নিরীকার ইকবালের সাফল্য যেমন বিস্ময়কর, তেমনই নব-উদ্ভাবিত টেকনিকে কবিতার ঐন্দ্রজালিক রূপস্থিতিতেও তাঁর পারদমতা ছল্‌ল শিল্পীজ্ঞানোচিত। ইকবালের কাব্যের মূলের সঙ্গে যাদের সাক্ষাৎ পরিচয় নেই, অনুবাদের মাধ্যমেই যারা দার্শনিক-কবি ইকবালকে জানেন, তাদের পক্ষে ইকবাল-কাব্যের বিস্ময়কর শিল্পরূপ এবং অন্তঃসত্তার প্রকৃত পরিচয় লাভ অসম্ভব, কারণ, অনুবাদে মূলের ভাব ধরা দিলেও, অনেকক্ষেত্রেই এর শিল্পরূপ ধরা দেয়না; ফলে অনুবাদ পাঠের মাধ্যমে ‘দার্শনিক’ ইকবালকে জানা সম্ভব হলেও, কবি ইকবালকে জানা সর্বক্ষেত্রে সম্ভব হয় না, তাঁর শিল্পদক্ষতা থেকে যায় পাঠকের বোধের পরপারে; এর জন্তে অক্ষম অনুবাদও কম দায়ী নয়। আশার কথা এই যে, কয়েকজন প্রতি-ভাষ্য কবি ও সহমর্মী ইকবাল-কাব্যের অনুবাদে তাঁদের শ্রম ও সাধনা নিয়োজিত করার ফলে আমরা বাংলা ভাষায়ও প্রাচ্যের এই মহান দার্শনিক-কবির অনেক কবিতার চমৎকার ভাষান্তর উপহার পেয়েছি।

করকথ আহমদ-অনুদিত, এই গ্রন্থের অন্তর্গত কবিতাবলী পাঠ করলেও, ইকবাল-কাব্যের বাণীর এবং তাঁর দার্শনিক চিন্তাধারার সাথে-সাথে তার সৌন্দর্য এবং লাবণ্যমহিমার সাথেও পরিচিত হওয়া যাবে। এবং অনুবাদ পাঠে স্পষ্টতঃই হৃদয়ঙ্গম করা যাবে যে, ইকবাল শুধু আত্মার রহস্য-সন্ধানী এবং আত্মসত্তার উদ্বোধনকামী মহৎ দার্শনিকই নন, তিনি মহৎ কবিও। ইকবাল তাঁর জীবনাদর্শ, জীবনানুভূতি এবং স্বতন্ত্র জীবন-দর্শন ফুটিয়ে তুলতে গিয়ে কাব্যের ভাষা এবং আঙ্গিকের আশ্রয় গ্রহণ করেছেন। কিন্তু তাঁর বক্তব্য এবং ভাবনা উৎসারিত হয়েছে গভীর উপলব্ধি ও অনুভূতি থেকে, আর এ-কারণেই প্রত্যক্ষতার বন্ধন অতিক্রম করে তা অনেকখানি রহস্যময় চারিত্র অর্জন করেছে। ইকবালের সৌন্দর্যদৃষ্টি ও অপরিমেয় কল্পনাশক্তি তাঁকে করে তুলেছে ব্যঞ্জনাময়। উপমা-উৎপ্রেক্ষা, চিত্রকল্প ও রূপপ্রতীকের ব্যবহারের সাহায্যে ইকবাল তাঁর বক্তব্যকে দিয়েছেন স্বজনধর্মিতা, করেছেন অনিশেষে তাৎপর্যমণ্ডিত। ইকবাল যে উপমা, উৎপ্রেক্ষা, চিত্রকল্প সৃষ্টি ও রূপকের ব্যবহারে অস্বাভাবিক বিবক্ষিত মহৎ কবিদের মতোই সুদক্ষ—এর পরিচয় আমরা করকথ আহমদ-অনুদিত এই গ্রন্থের কবিতাবলীতেও পাবো।

ইকবাল-কাব্যের অনুবাদে কররুখ আহমদের দক্ষতার পরিচয় তুলনা-মূলক বিচারে এবং এই স্বল্পপত্রিসরে দেওয়া সম্ভব নয়, তবুও, কয়েকটি উদাহরণ থেকেই বুঝা যাবে, ইকবালের আদর্শের অনুবর্তী, প্রতিভাধর কবি কররুখ আহমদের স্বজনীকৃত্যতার, অনুবাদও কতখানি নবসৃষ্টির মহিমা লাভ করেছে। উপমা ও রূপপ্রতীক সমৃদ্ধ একটি অনবদ্য কবিতার ভাষান্তর করেছেন কররুখ আহমদ এইভাবে :

দ্রুত দ্রুত মত যখন প্রোজল সূর্য হান্না দিল শর্বরীর 'পরে
আমার ক্রন্দনধারে শিশির-সিক্তিত হল

গোলাবের মুখ,

নাগিসের ঘুমঘোর মুখে নিল মোর অশ্রুকণা,

উজ্জীবিত তৃণদল উল্লাসে ছড়িয়ে যায়

আমারি সে একাধ্র আবেগে।

[আসরার-ই-খুদী, সূচনা খণ্ড]

সৈয়দ আলী আহসান উপরোক্ত স্তবকেরই অনুবাদ করেছেন এই ভাবে :

দিনের প্রথম সূর্য দ্রুত আঘাতে যবে

শর্বরীর তিক্ত ক্লান্তি করিলো হরণ

অশ্রুর নীহারে কাঁপে নিষিক্ত পুষ্পের দল

রক্তিম বরণ ;

নাগিস ফুলের তল্লা মুছিয়া দিলাম আমি

অশ্রুর প্রবাহে

জাগিয়া উঠিল অনু অচেতন ছিলো বাহা

মৃত্যুর প্রদাহে।

আমার উচ্ছ্বাসে জাগে শীত-শীর্ণ কিশলয় দল।

উদ্ধৃত কবিতাংশের দু'জন অনুবাদকই আমাদের সাহিত্যের খ্যাতিমান কবি, এবং অনুবাদে তাঁদের দক্ষতাও স্বয়ং প্রকাশ ; তবুও, দুটি কবিতাংশই পাশাপাশি মিলিয়ে পড়লে অনুভব করা যাবে যে, কররুখ আহমদের ভাষা, তাঁর নিজের কবিতার ভাষার মতোই, অনেক বেশী গাঢ়বদ্ধ, সংহত এবং প্রাণবান। মূলের আক্ষরিক অনুবাদ হয়তো কেউ-ই

করেননি, কেননা, সৈয়দ আলী আহসান নিজেই বলেছেন, ইংরেজী থেকে অনুবাদেও তিনি মূলকে ষথাষথভাবে অনুসরণ করেননি, শুধু মূলীভূত তত্ত্ব এবং আদর্শকে অক্ষুণ্ণ রাখতে চেয়েছেন। তবুও, এঁরা নিজেরা স্বজনশীল কবি বলেই, ইকবালের উপমা-চিত্রকল্পও অনেকখানি ভাষান্তরিত হয়ে এসেছে। ‘হ্রস্বত দস্যুর মত যখন প্রোজ্জ্বল সূর্য হানা দিল শব্দরীর ‘পরে’— ফররুখ আহমদ-অনুদিত এই চিত্রকল্পটি তো অনবত্ত রূপমহিমা লাভ করেছে। তাঁর অনুদিত অগ্রাগ্র কবিতায়ও লক্ষ্য করা যাবে যে, তিনি শুধু ইকবালের বাণীর আক্ষরিক অনুবাদ বা ভাষান্তরই করেননি, উপমা-উৎপ্রেক্ষা-চিত্রকল্পেরও নবরূপায়ণ ঘটিয়েছেন; এটা সম্ভব হয়েছে এই কারণে যে, ফররুখ আহমদ নিজেও শক্তিমান এবং রূপদক্ষ কবি, উপমা-উৎপ্রেক্ষা-চিত্রকল্প সৃষ্টিতেও ছিল তাঁর পারঙ্গমতা।

ফররুখ আহমদ-অনুদিত ‘খোদার ছুনিয়া’ কবিতাটি নিম্নরূপ :

কে তিনি—মাটির নিবিড় অঁধারে লালন করেন বীজ ?

কে তিনি—ওঠান সহজে এ মেঘ দরিয়ার ঢেউ থেকে ?

কে তিনি—আনেন পশ্চিমী হাওয়া, সূর্যলপ্রসূ এ বায়ু ?

এ জমিন কার ? অথবা এ কার সূর্য-রশ্মিধারা।

মুক্তার মত ফসল করেন শস্ত্রের শীঘে জমা।

কার ইঙ্গিতে অনুভূতিময় মাসের পরিক্রমা ?

শোন জমিদার—এ ক্ষেত-খামার এ তোমার নয়,

এ তোমার নয়,

এ নয় তোমার কোন সম্পদ ; আমরা এ নয়

কোন সঞ্চয় ॥

আবুল হোসেনের অনুবাদ :

মাটির অঁধার গর্ভে লালন করে কে লক্ষ বীজ ?

সমুদ্রের ঢেউ থেকে আকাশে তোলে কে কালো মেঘ ?

পশ্চিম পাহাড় থেকে ডেকে আনে কে মধুর হাওয়া ?

এ সোনার মাঠ কার, কার ওই সূর্যের স্বচ্ছ আলো ?

মুক্তার দানায় ভরে কে সোনালী ফসলের শীষ ?

মাসগুলো ঘুরে ঘুরে আসে কার অমোঘ আদেশে ?

এ জমি তোমার নয়, হে ভূস্বামী তোমার তো নয়

নয় পূৰ্ণ-পুৰুষের, তোমার আমার কারো নয়।

হু'জ্বন কবিই অনুবাদে দক্ষতার পরিচয় দিয়েছেন এবং এ'রা শক্তিমান ও রূপদক্ষ কবি বলেই, অনুবাদেও উপমা-চিত্রকল্প আকর্ষণীয়রূপে ভাষান্তরিত হয়েছে। অনুবাদের ভাষা ব্যবহারে আবুল হোসেন অবলম্বন করেছেন অনেকটা কথারীতি এবং ঘরোয়াভঙ্গী, ফলে ছন্দ-নির্ভর এই অনুবাদও অনেকটা গড়ের ধার ছুঁয়ে গেছে ; অত্মপক্ষে ফররুখ আহমদের ভাষা অনেকটা ক্লাসিকধর্মী, উচ্চারণ গম্ভীর এবং ছন্দও সুনিরূপিত ও বাণীবদ্ধ। ফলে কবিতাটি পাঠ বা আবৃত্তিকালে এর ধ্বনিময়তা, গাম্ভীর্য এবং গতিময়তা চেতনাকে স্পর্শ করে, হৃদয়ে অনেক বেশী আবেদন নিয়ে উপস্থিত হয়। 'মুক্তার দানায় ভরে কে সোনালী কসলের শীষ ? মাসগুলো ঘুরে ঘুরে আসে কার অমোঘ আদেশে'— এই অনুবাদ হয়তো অনেকখানি মূলানুগ, কিন্তু 'মুক্তার মত কসল করেন শশুর শীষে জমা। কার ইঙ্গিতে অনুভূতিময় মাসের পরিক্রমা ?'—যে ভাষার ক্লাসিকধর্মিতা ও ছন্দধ্বনিময়তার কারণে অধিক আবেদন নিয়ে উপস্থিত হয়, তা অস্বীকার করা যাবে না।

ইকবাল-কাব্যের অত্যন্ত দক্ষ অনুবাদক, এবং উর্দুভাষায় অভিজ্ঞ মনির উদ্দীন ইউসুফ লিখেছেন, "ইকবালের উর্দু ক্লাসিক্যাল উর্দু, অর্থাৎ তাঁর ভাষার আরবী-ফারসী শব্দের প্রাধান্য ও প্রাচুর্য সুপ্রকট। Image allusion-এর জগুই যে এ প্রাধান্য তা-ও নয় ; ভাষার গাম্ভীর্য ও বিষয়-বস্তুর ব্যাপকতা রক্ষার খাতিরেই বরং ভাষার ক্লাসিক্যাল রূপকে কবি সচেতনভাবে গ্রহণ করেছিলেন। ছন্দ ও শব্দ প্রয়োগের দিক থেকেও প্রাচীন রীতিই তাঁর কাছে বেশী উপযোগী মনে হয়েছে।" (ইকবালের কাব্য-সঞ্চয়ন, ভূমিকা দ্রষ্টব্য।) ক্লাসিক্যাল ভাষা ও বাণীভঙ্গী অনুসরণ, ছন্দ ও শব্দের নিপুণ ব্যবহার এবং উপমা-চিত্রকল্প রচনায় দক্ষতার গুণে অনুবাদও কতটা মৌলিক কবিতার চারিত্র্য অর্জন করতে পারে, ফররুখ আহমদ-অনুদিত 'ইকবালের নির্বাচিত কবিতা'য়ও তার পরিচয় মিলবে। 'আদমের প্রতি পৃথিবীর আশ্রয় অভিনন্দন' কবিতাটিই ধরা যাক ; এর প্রথম স্তবকটি হলো :

খোল আঁখি. দেখ চেয়ে এ পৃথিবী, দেখ নভঃতল ;

দেখ এই বাষ্প আর হাওয়ার মহল ।

তিমির বিদার সূর্য দেখ চেয়ে দীর্ণ করে

সুপ্ত পূর্বাচল ॥

গুণ্ঠন-বিমুক্ত স্বপ্ন সংগোপন দেখ এই উজ্জ্বল আলোতে,

বিচ্ছেদ দিনের ব্যথা, অশেষ যন্ত্রণা বহি

দেখ তুমি ধরাবক্ষ হ'তে !

অধীর হ'য়োনো তবু আশা-নৈরাশ্যের দ্বন্দ্বে

আবর্তিত সংগ্রামের শ্রোতে ॥

[ফররুখ আহমদ- অনুদিত]

এই কবিতাটির একাধিক অনুবাদ হয়েছে এবং অনুবাদ করেছেন বিশিষ্ট কবি-সাহিত্যিকরা । কারো কারো অনুবাদ মূল থেকেই ; তবুও অনুবাদগুলির পাশাপাশি সংস্থাপন এবং তুলনামূলক পাঠে এটাই স্পষ্ট হয় যে, ফররুখ আহমদের অনুবাদের মতো এতটা সংহত ও সুন্দররূপ, উপমা-চিত্রকল্পের সমবায়ে এমন প্রাণময়তা ও গতিশীলতা, আর কারো ভাবাস্তরে মূর্ত হয়নি । বরং অনেকের অনুবাদে জড়তা এবং ক্লিষ্টতাই অনুভবযোগ্য । এর প্রধান কারণ, ভাষা ও ছন্দ-নির্বাচনে তাঁদের স্বার্থতাবোধের অভাব, ভাষা ও ছন্দকে বাণীবহনের উপযোগী করে ব্যবহারের ক্ষমতার হ্রাস এবং উপমা ও চিত্রকল্পে নতুন প্রাণ-সঞ্চার করতে না পারা । এই কবিতাটির উল্লেখযোগ্য অংশের কয়েকটি অনুবাদ নিচে দেওয়া হলো :

মেল আঁখি হের সুন্দর

হের নভঃতল, প্রকৃতি হের ;

পূর্ব-দিগন্তে উদিত সূর্য

কণিকের লাগি তাহারে হের ।

গুণ্ঠনহীন উজ্জ্বল বিভা

গুণ্ঠন ঢাকা তাহারে হের,

বিরহ যুগের যাতনা মথিত

অত্যাচারিত হৃদয় হের ।

অধীর হয়োনা । দেখ কী দ্বন্দ্ব

রয়েছে আশা ও ভীতির মাঝে

[অনুবাদ : শ্রুষ্টিয়া কামাল]

খোল আঁখি, হের ধরা, দেখ চেয়ে গগন প্রাঙ্গণ,

কেমনে উদিলে ওই পূর্বাচলে ভাস্কর তপন ।

সে নগ্ন প্রকাশ হের, যবনিকা—মাঝারে গোপন ।

অত্যাচার দেখ আজ দিবারাত্র তব বিচ্ছেদের

অধীর হয়োনা বন্ধু, দ্বন্দ্ব হের আশা ও ভয়ের ।

[অনুবাদ : মনির উদ্দীন ইউসুফ]

উপরোক্ত সবগুলো অনুবাদই সুন্দর এবং প্রশংসার দাবী রাখে । ছুটি ছন্দোবদ্ধ এবং একটি গত-ছন্দের অনুবাদে সাথে মিলিয়ে দেখলেও বুঝা যাবে যে, স্বরূপ আহমদ মূল থেকে তেমন দূরে সরে যাননি, বরং মূল ভাববস্তু এবং শিল্প-সম্পদের ওপর ভিত্তি রেখেই, তাঁর স্বজনকমতার স্পর্শে এই অনুবাদ কবিতাটিকেও নতুন মহিমা দিয়েছেন, এবং তাতে প্রশংসার কারণে । আর এক্ষেত্রে তাঁর সহায়ক হয়েছে ভাষা ও ছন্দের ওপর অবাধ অধিকার এবং কল্পনা-প্রতিভা । তিনি যখন উচ্চারণ করেন :

ওঠো—হুনিয়ার গরীব ভূখারে জাগিয়ে দাও ।

ধনিকের দ্বারে জ্বাসের কাঁপন লাগিয়ে দাও ॥

করো ঈমানের আগুনে তপ্ত গোলামী খুন

বাজের সমুখে চটকের ভয় ভাঙিয়ে দাও ।

ঐ দেখ আসে দুর্গত দীন-দুখীর রাজ ;

পাপের চিহ্ন মুছে দাও, ধরা রাঙিয়ে দাও ॥

কিবাণ-মজুর পায় না যে মাঠে শ্রমের ফল,

সে মাঠের সব শস্তে আগুন লাগিয়ে দাও ।

অষ্টা ও তাঁর সৃষ্টির মাঝে কেন আড়াল ?

মধ্যবর্তী মোল্লাকে আজ হাঁকিয়ে দাও.....

তখন এই রচনা আদৌ অনুবাদ বলে মনেই হয় না, এটি ইকবাল কিংবা অন্য কারো কবিতা কিনা, সে-প্রশ্নও মনে জাগে না, বরং একটি

॥ পনর ॥

মৌলিক কবিতারূপেই পাঠকের চেতনায় আঘাত হানে, মনে অনুরণন জাগায়। অনুবাদের ক্ষেত্রে এরচেয়ে বড় সার্থকতা আর কি হতে পারে? অনেকেই এই কবিতাটির অনুবাদ করেছেন, কিন্তু ফররুখ আহমদের অনুবাদের মতো এতটা জনপ্রিয়তা আর কারো ভাষান্তরই লাভ করতে পারেনি। বিশেষজ্ঞদের মতে, বিশ্বাসে জোর না বাঁধলে বাক্যবন্ধন দৃঢ় হয় না; আদর্শবাদী ও জীবনশিল্পী কবি ইকবালের বিশ্বাস ছিল গভীর ও অনমনীয়, এবং তা-ই তাঁর কবিতায় বাক্যবন্ধনের দৃঢ়তায়, রূপে-রঙে, মনোহর হয়ে প্রকাশ পেয়েছে। ইকবালের কাব্যাদর্শের অনুরাগী ও অনুবর্তী, ফররুখ আহমদেও বিশ্বাস ছিল সুগভীর, তিনিও ছিলেন আদর্শবোধে উজ্জীবিত এবং দৃঢ়প্রত্যয়ী। এই প্রত্যয়ের পরিচয় তাঁর মৌলিক রচনায় যেমন, তেমনি অনুবাদেও দৃঢ় বাক্যবন্ধনের রূপে, উপমা-চিত্রকল্পের মনোহারিতায় আকর্ষণীয় হয়ে প্রকাশ পেয়েছে।

ফররুখ আহমদ-অনুদিত এই কাব্যগ্রন্থ পাঠ করলেও উপলব্ধি করা যাবে যে, ইকবালের কবিতা ভাবের সঙ্গে মনোহর রূপের সমন্বয়েই মহৎ এবং মাধুর্যময়। তাঁর বিশিষ্ট জীবন-দর্শন যেমন কবিতাকে সারবান করেছে, তেমনি তাঁর ব্যাপক জীবনদৃষ্টি ও ছল্লভ স্বজনক্ষমতা দিয়েছে স্বাস্থ্য ও লাভণ্যের আভা। ইকবাল-কাব্যের সৌন্দর্য-মহিমা শুধু এর বহিরঙ্গই বিদ্যুত্তের মতো ঝলসিত নয়, এর অন্তঃপ্রবাহেও বিচ্ছুরিত। ইকবাল কাব্যপাঠে—এই অনুবাদেও, পাঠক যে উপটৌকন পাবেন, তাঁর পরিচয় দিতে গিয়ে, ইকবাল-কাব্যের সুদক্ষ অনুবাদক, বাংলা সাহিত্যের অন্যতম প্রধান কবি অমিয় চক্রবর্তীর ভাষায় বলতে হয়, “কবি ইকবালের কাব্য-কাননে বিচরণ করলে সৌরভি কুঞ্জ দেখতে পাব, খররোদ্র ধূলিতে শ্যামল-মেলে আছে, অগণ্য মনোহর বীথি আহ্বান করে নিয়ে যায় গভীর ভাবনার নির্দেশে। বাক্যের ভঙ্গী, রসের উচ্ছল মাধুর্য এবং দিগন্ত দৃষ্টিময় ব্যঞ্জনা তাঁর বহু কবিতায় উপকর্ষের যে ভাষা পেয়েছে, তা উর্ছ বা পারসিক ধ্বনিকে অতিক্রম করে সর্বমানবের চিত্তচারণী।” (সাম্প্রতিক পৃ: ১২২)

মোহাম্মদ মাহ-ফুজউল্লাহ্,

আদমের প্রতি পৃথিবীর আত্মার অভিনন্দন

১.

খোল আঁখি, দেখ চেয়ে এ পৃথিবী, দেখ নভঃতল,
দেখ এই বাষ্প আর হাওয়ার মহল ।
তিমির-বিদার সূর্য দেখ চেয়ে দীর্ঘ করে সুপ্ত পূর্বাচল ।

গুর্জন-বিমুক্ত স্বপ্ন সংগোপন দেখ এই উজ্জ্বল আলোতে,
বিস্ফেদ দিনের ব্যথা, অশেষ যন্ত্রণা বহিঃ দেখ তুমি ধরাবক্ষ হতে ।
অধীর হ'য়োনা তবু আশা-নৈরাশ্যের দ্বন্দ্ব
আবর্তিত সংগ্রামের স্রোতে ॥

২.

দেখ এই ঘনঘটা, বর্ষণ মুখর মেঘ
দেখ এই অবিশ্রান্ত প্রাবণী বাদল,
আকাশের এ গম্বুজ,—শব্দহীন আবহমণ্ডল,
এ পাহাড়, এ সমুদ্র, বালিস্নাড়ি—এই মরুতল,
নিয়ন্ত্রিত হবে এরা তোমারি শাসনে !
কাল তুমি দেখিয়াছো উজ্জ্বল ফেরেশতাদল জ্বালাত কাননে ,
দেখ নিজ প্রতিকৃতি আজ তুমি সময়ের এ স্বচ্ছ দর্পণে ॥

৩.

তোমার পলকপাত বুঝে নেবে অনায়াসে অনন্ত সময়,
দূরান্ত আকাশ থেকে তারা-রা তোমাকে দেখে

প্রতিক্ষণে মানিবে বিস্ময় ।

প্রজার বারিধি তব মানিবে না কোন দিন কোন সীমারেখা,
নভের উচ্চতা ছুঁয়ে চিত্তের স্ফুলিঙ্গ তব দূরে দেবে দেখা,
গ'ড়ে তোল নিজ সত্তা আকাঙ্ক্ষার শেষ প্রান্তে

তারপর দেখ চেয়ে একা ॥

৪.

যে সূর্যে প্রদীপ্ত বিশ্ব,—সে তোমার স্ফুলিঙ্গ দহন,
তোমার শিল্পের মাঝে সম্মোহিত আছে এক

সুসম্পূর্ণ পৃথিবী নূতন !

অজিত নহে যা শ্রমে—সে জ্ঞানাত অসুন্দর দৃষ্টিতে তোমার,
তোমার বেহেশত জানি হৃদিরাজ্যে সংগোপন (অশ্রান্ত আশার) ।
মৃত্তিকার প্রতিকৃতি ! দেখ এ শ্রমের ফল

সংগ্রামের পথে দুনিবার ॥

৫.

'রোজ-ই-আজল'* থেকে প্রতি বীণাতন্ত্রী তব অহনিশি ক্রন্দন মুখর
রোজ-ই-আজল থেকে প্রেমের বিপণী মাঝে তুমি একা এনেছো খবর,

রোজ-ই-আজল থেকে ধ্যানী তুমি খুঁজিয়াছো
চিরদিন রহস্যের ঘর ।

শ্রমশীল !

রক্তক্ষয়ী !

শান্তিকামী !

উষালোক হ'তে অস্তিত্বের
দেখ চেয়ে,—বলো আজ কোন্ অস্তহীন পথে
নিয়মে যাবে অফুরন্ত ভাগ্য এ বিশ্বের ॥

শাহীন

বিদায় নিয়েছি সেই ধূলিমুদ্রা পৃথিবীতল থেকে
যেখানে জীবন বাঁচে এক কণা শস্যে ধরণীর ।
আনন্দ—আনন্দ মোর মরুভূমির নিঃসঙ্গ বিজনে
সৃষ্টির প্রথম থেকে এ প্রাণ অশ্রান্ত রাহাগির ।

বসন্ত বাতাস, ফুল, বুলবুল, পসারিণী আর
আশিকের রূপ সূর ;...—সব কিছু ছেড়ে চলে যাই !
বনের বাসিন্দা যারা—যাদু জানে, যাদুতে ভোলায় !
প্রলুব্ধ প্রাণের সেই সম্মোহনে মুক্তি-স্বপ্ন নাই ।

মরু বিয়াবানে দীপ্ত খরধার তরবারি যার
বিজয়ী, গাজী সে বীর, অস্ত্রে তার অপূর্ব স্পন্দন !
ক্ষুধিত নহিতো আমি কবুতর, তিত্তিরের তরে
প্রমুগ্ধ আত্মার মত শাহীনের অবাধ জীবন !

হানা দিয়ে ফিরে যাওয়া, ফিরে এসে হানা দেওয়া আর
আজব বাহানা এই রক্তধারা উত্তপ্ত রাখার
প্রাচী প্রতীচীর মাঝে চকোরীর ক্ষুদ্র এ সংসার ,
আমার আকাশ নীলা—অন্তহীন সাম্রাজ্য আমার ।

পাখীর দুনিয়া মাঝে দরবেশ—প্রামাণ্য তাই,
শাহীন বাঁধনা নীড়—নীড়ে তার প্রয়োজন নাই ॥

ইনকিলাব

দিন মজুরের রক্তে ধনিক গড়ছে মানিক 'লা'লে নাব'

সেই জুলুমে কিমাণ চাষীর শ্রমের ফসল হয় খারাব

ইনকিলাব...আয় ইনকিলাব...

তস্বি দানায় রাখলো ঘিরে মুফতী ঈমানদারের প্রাণ,

পৈতাধারী বামুন রাখে কাফির জনে লা-জওয়াব

ইনকিলাব...আয় ইনকিলাব...

আমীর ধনিক খেলছে জুয়া, দাবার ঘুটি মিথ্যাময়,

কর্তাগত প্রাণ জুলুমে, গোলাম তবু দেখছে খাব

ইনকিলাব...আয় ইনকিলাব...

ঘৃণী, তুফান, প্রলয় শিখা দেখে চেয়ে তুই মুসলমান,

পূণ্য প্রভাব বিরল এখন, রয় ছড়িয়ে মন্দ ভাব

ইনকিলাব...আয় ইনকিলাব...

দেখ বাতিলের তামাশা আজ, রয় সে সুযোগ সন্ধানে,

বাদুড় পাখীর হামলা দেখে মুক্ত ভোরের এ আফতাব

ইনকিলাব...আয় ইনকিলাব...

গীর্জাতে হায় ফাঁসি কাঠে ঝুলছে ঈসা নবীর তনু,

কা'বা থেকে বিদায় নিল মুস্তফা, উম্মুল কিতাব

ইনকিলাব...আয় ইনকিলাব...

দিন মজুরের রক্তে ধনিক গ'ড়ছে মানিক 'লা'লে নাব'

খোদার ফরমান

ওঠ,—দুনিয়ার গরীব ভুখারে জাগিয়ে দাও ।

ধনিকের দ্বারে দ্বাসের কাঁপন লাগিয়ে দাও ॥

কর ঈমানের আগুনে তপ্ত গোলামী খুন,

বাজের সমুখে চটকের ভয় ভাঙিয়ে দাও ।

ঐ দেখ আসে দুর্গত দীন দুখীর রাজ ;

পাপের চিহ্ন মুছে যাও, ধরা রাঙিয়ে দাও ॥

কিষাণ মজুর পান্ননা যে মাঠে শ্রমের ফল,

সে মাঠের সব শস্যে আগুন লাগিয়ে দাও ।

ব্রহ্মটা ও তাঁর সৃষ্টির মাঝে কেন আড়াল ?

মধ্যবর্তী মোল্লাকে আজ হাঁকিয়ে দাও ॥

(অংশ)

গজল ও গীতিকা

১.

রঙিন লা'লার দীপ শিখাতে হ'ল উজ্জল শিলা কানন ।
গানের দোলা জাগিয়ে গেল বন বিহগের কল কৃঙ্গন ॥
এই বিজনে উঠ'লো ফুটে ফুল না ওরা পরীর দল ।
নীল ঘন নীল বর্ণ বিভা, স্বর্ণ তনু, পর্ণাভরণ ॥
ভোরের হাওয়া ছড়িয়ে গেল মোতির মালা এই শিশির,
পাপড়ি পাতায়, মুক্তা মালায় উচ্ছল দিন—সূর্য কিরণ ॥
রাপের নেকাব উঠিয়ে নিতে ঐ অপরাপ মুখের 'পর
কি চাহে আজ ? মুখর দিনের নগর না এই বনভবন ॥
যাও ডুবে আজ আপন মাঝে তুলতে গোপন রত্ন বিভব,
আমার যদি না হও তুমি, হওনা কেন নিজের আপন ॥
মনের ভুবন জানি আমি দীপ্ত শিখা প্রতীক্ষার,
তনুর ভুবন জানি সেতো—বঞ্চনা শেষ, শ্রান্তি মগন ॥
মনের বিভব আসলে মনে হারায় না সে আর কখনো,
তনুর বিভব ক্ষণিক ছায়া নিমেষে তার অপসরণ ॥
মনের ধরায় পাইনি আমি অচেনা দূর দেশীর রাজ,
পাইনি আমি মনের ধরায় কোন্ জনা শেখ—কে ব্রাহ্মণ ॥
কলন্দরের তত্ত্ব কথায় জীবন ভরি' ঘনালো লাজ
নয়গো আপন এই তনুমন অন্যে করি সমর্পণ ॥

২.

নহ তুমি ধুলির তরে,

নহ নভঃনীলার তরে,

বিশ্ব নিখিল তোমার তরে,

তুমি নহ ধরার তরে ॥

দুঃখ-বিষাদ কাঁটায় ঘেরা

এই ধরণী—পৃথিবী,

নয় গো এ ঠাঁই আশ্রয়নার ;

নয় সুখ নীর বাঁধার তরে ॥

আর কত কাল রইবে তুমি

এই ‘রাবী’, ‘নীল’, ‘ফোরাতি’ মাঝে

তরী তোমার অকুল সাগর

উমি-উত্তল বাধার তরে ॥

চাঁদ সিতারার কঙ্কে যারা

নিদেশ দিত আপন হাতে,

আকুল চোখে চায় তারা হান্ন

আজকে নতুন দাতার তরে ॥

এমন বাণী আছে আমার

জানে না যা জিব্রাইল,

রেখেছি সেই বাণী গোপন

আরো সুদূর ধরার তরে ॥ (অংশ)

৩.

এই সিতারার শেষে জাহান আছে আরো ।
প্রেমের পথে ঝাঝা তুফান আছে আরো ॥
শূন্যতা মোর শূন্য নহে প্রাণ পরশে,
এই কাফেলায় দল অফুরান আছে আরো ॥
গন্ধ-রঙে রঙিন ধরায় আজ থেমো না,
নীড়ের স্বপন, ছায়া বিতান আছে আরো ॥
উর্ধ্ৱচারী শাহীন তুমি নভঃগামী !
আকাশ পারে আকাশ খিলান আছে আরো ॥
শেষ হ'ল আজ একলা থাকার ক্লাস্ত দিন ,
এই পথে মোর সন্ধানী প্রাণ আছে আরো ॥ (অংশ)


তারেকের দো'আ

(স্পেনের যুদ্ধক্ষেত্রে সিপাহসালার তারেকের প্রার্থনা)

এরা গাজী—এরা রহস্যজ্ঞানী বান্দা যে মহাবীর
ষাদের উপর দিলে তুমি খোদা শুভাশীষ খোদায়ীর ।
সাগর, সাহারা ষাদের আঘাতে ভেঙে পড়ে দুই ভাগে,
শিলা শিহরায়, পাহাড় চূড়ায় ভয়ের নিশানা জাগে,
দুই আলমের বাজুবন্দ ছেড়ে বে-গানা করে যে দিল,
একী তার স্বাদ খুলে যায় যবে ঈশ্বকের ঝিলমিল ।

ঈমানদারের চরম বাসনা, লক্ষ্য যে শাহাদত,
দুনিয়া বিজয় শেষ চাওয়া নয়, চায়না সে গনিমত ।
কত সুদীর্ঘ দিবস রজনী প্রতীক্ষমানা লা'লা
রক্তাভরণ চেয়েছে আরবী শহীদে লহ ঢালা ।

এ মরুবাসীয়ে ক'রেছ একক বিরাট শক্তিবলে,
ভোরের আজানে, প্রভাতের টানে, চেতনা বহিতলে,
ছিল অচেতন যে জীবন এই শতকের ঘুমঘোরে
নতুন চেতনা ফিরে এল তার অজানা এ বাহ ডোরে ।
হৃদয়ের দ্বার খুলিবার মত অপরূপ মনে হয়,
মরণ আজিকে তাই কারু চোখে চরম মৃত্যু নয় ।



মুসলমানের দিল তুমি আজ আবার জিন্দা করো,
“ভয় নাই”—এই অভয় বানীর বিজ্জ্বলি মশাল ধরো,
প্রতি হৃদয়ের সংকল্পের রূপ দাও দৃঢ়তার ;
সব মূমিনের দৃষ্টিকে তুমি কর আজ তলওয়ার ॥

কর্ডোভা মস্জিদ

১.

দিন রাত্রির এ ধারা অধীর,—প্রতি কাহিনীর শিল্পী এই,
দিন রাত্রির এ ধারা অধীর,—জীবন মৃত্যু এরি মাঝেই ।
দিন রাত্রির এ ধারা অধীর,—দু'রঙে রাঙানো এই 'হারীর'
—এ রেশমে বোনে মূল সত্তা যে অশেষ বসন গুণাবলীর ।
দিন রাত্রির এ ধারা অধীর, বীণা তারে সুর শাস্ত্রের,
এরি মাঝে দেখে আদি সত্তা যে সব উত্থান, পতন ফের ।
দিন রাত্রির এ ধারা অধীর কুশলী যাচাইকারীর মত
তোমারে আমারে নিখিল ধরারে করে পরীক্ষা প্রতিনিয়ত ।
যদি তুমি হও মূল্যবিহীন, যদি আমি হই অকিঞ্চন
মৃত্যু তোমার ললাট লিখন, আমারো ললাট লিপি মরণ ।
কোন হাকিকত রাত্রি দিনের (সন্ধ্যা অথবা রাঙা প্রভাত) ?
সময়ের এক তরঙ্গ শুধু, নাই সেথা দিন, নাইতো রাত ।
শুধু ক্ষণিকের বসতি এখানে, মৃত্যু এ পথে রয়েছে দায়ী,
ক্ষণস্থায়ী যে পৃথিবীর কাজ, দুনিয়ার কাজ ক্ষণস্থায়ী ।
জানি আউয়াল, আখির ফানা ও জাহির বাতিন সকলি ফানা
যত তস্‌বির এই ধরণীর নবীন প্রাচীন সকলি ফানা ॥

২.

সেই তস্‌বির যার বুকে ছাপ রেখেছে সময় চিরন্তন,
শেষ রেখা যার এঁকেছে মুমিন—মর্দে খোদা যে, খোদার জন,
প্রেমের পরশে মহীশূন তার কর্মের ধারা অবিশ্রাম,
প্রেমের উৎস সত্য জীবন মরণ যে তার হ'ল হারাম।
দ্রুত ধাবমান আর চঞ্চল যদিও কালের অমিত বেগ
বন্যা বিপুল এই প্রেম ধারা, পারে সে থামাতে বন্যাবেগ।
বর্তমানের দিন ক্ষণ ছাড়া প্রেম-পজিতে জেনেছি তাই
রয়েছে অশেষ অজানা সময়, যাদের সঠিক অংশ নাই।
জিব্রাইলের নিঃশ্বাস প্রেম, প্রেম যে হৃদয় মুস্তফার,
জানি আল্লার রাসূল এ প্রেম, প্রেমেই খোদার কালাম সার।
প্রেম মত্ততা ক'রেছে ধূলিকে উজ্জ্বলতর, বহিমান,
সুরা ও শারাব—পেয়ালা এ প্রেম মুখ দেখে যাতে মুগ্ধ প্রাণ।
কা'বার পথিক এই প্রেম, আর এই প্রেম হয় সিপা'সালার,
প্রেম রাহাগির, মজিল পথে রয়েছে হাজার মকাম তার।
জীবন-তন্ত্রী প্রেমের পরশে পেল গীতিকার এ সঞ্চয়,
প্রেম থেকে এল জীবনের জ্যোতি, প্রেম থেকে প্রাণ বহিময়।

৩.

প্রেম থেকে জানি অস্তি তোমার ওগো মস্‌জিদ কডোভার,
ক্ষয় নাই যার, নাই তো বিলয়, অতীত অথবা অধুনা আর।

হোক্ তস্বির অথবা পাথর, বেণুকার সুর অথবা গান
 হৃদয়-রক্ত কণায় শিল্প হয় জীবন্ত হৃদি সমান ।
 শিল্পকে যে করে জিন্দা দিল, সে জিগরের তাজা কাতরা খুন,
 হৃদয় রক্তে জাগে অসহন বেদনা দহন, সুর ; আশুন ।
 হৃদয়-জাগানো প্রেরণা তোমার, হৃদয়-জ্বালানো আমার গান ;
 তুমি শুধু ডাকো আমি খুলে যাই সকল হৃদয় তিমির-মান ।
 যদিও সীমিত এক মুঠো ধুলি দেখ চেয়ে রূপ নভঃনীলার
 আরশের চেয়ে কম নয় জানি আদমের সিনা—বক্ষ তার ।
 কতটুকু লাভ, ফায়দা কি বল সিজদায় এই ফেরেশতার,
 পাবে সে কোথায় আতশী দহন, আবেগ এমন ;—বেদনা ভার ।
 যদিও কাফের আমি হিন্দের দেখ এ জওক, শওক ঘোর,
 দরুদ সালাত হৃদয়ে আমার, দরুদ সালাত ওষ্ঠে মোর ।
 তীব্র বাসনা সুর তক্তীতে, তীব্র বাসনা বেণু-বীণায়,
 জাগে : আল্লাহ, আল্লাহ গীতি প্রতি ধমনীতে, প্রতি শিরায় ।

৪.

অপরূপ এই গঠন তোমার, মর্দে খোদার এই দলিল ;
 সে-ও ছিল জানি জলিল, জমিল ;—তুমিও জলিল, তুমি জমিল ।
 ভিত্তি তোমার রয়েছে অটুট, বেগুনার থাম হয়নি নত,
 র'য়েছে দাঁড়িয়ে সিরিয়ার বালু বক্ষে খেজুর বীথির মত ।
 তুর পাহাড়ের নুর দেখা যায় তোমার মুক্ত দরজা থেকে,
 জিব্রাইলের ইশারা যেমন মিনার চূড়ায় যায় গো ডেকে ।

মর্দে মোমিন—মুসলমানের সত্তা কখনো মেটেনা জানি,
 আজান খনিতে খুলেছে সে মুসা, ইব্রাহিমের গোপন বাণী ।
 জমিনের নাই গণ্ডী যে তার, আসমান তার সীমানাহীন,
 দজ্জা, ফোরাতে, দানিমুব, নীল তার দরিয়ার জোতে বিলীন ।
 দেখেছে সে জানি জটিল সময়, জানে সে কাহিনী সূরের রেশ,
 গত রাষ্ট্রিকে অনাগত পথে চ'লবার সেই দিল নিদেশ ।
 তুমিত প্রাণের সাকী সেই জানি,—মরু পথ-চারী আকাঙ্ক্ষার,
 খাঁটি শারাবের পেয়ালা সে হাতে, হাতিয়ারে খাদ মেশেনি আর ।
 বীর সৈনিক হাতে তলোয়ার : লা এলাহা ইল্লাল্লাহ্
 তলোয়ার ছায়ে বর্ম যে তার : লা এলাহা ইল্লাল্লাহ্

৫.

রহস্য যত মোমিন জনের তোমার তরেই হ'ল প্রকাশ,
 আতশী দিনের আবেগ যে তার, দীর্ঘ রাতের তপ্ত শ্বাস ।
 বুলন্দ মকাম পেয়েছে সে যার কল্পনা হোঁস নভঃকিনার,
 তার মত্ততা, অপার বাসনা, নম্রতা আর গরিমা ভার ।
 বান্দা মোমিন মুসলমানের হাত জানি আমি খোদার হাত,
 কারিগর সেই কর্মশ্রুটি, জয় গাথা লেখে যার বরাতে ।
 থাকে আর নূরে গড়া যার তনু পেল সে বান্দা প্রভুর গুণ,
 দু'জাহান থেকে মুক্ত সে জানি, দিল বে-নেয়াজ প্রেম-আশুন ।
 স্বপ্ন উমিদ, মহৎ লক্ষ্য ছুঁয়ে যায় তার আকাশ নীল,
 তার আচরণে, তার দৃষ্টিতে জিন্দা হয় যে মূর্দা দিল ।

মধুর অথবা সেই মৃদুভাষী, ক্ষিপ্ত শুধু সে অব্যবহায়ে,
 জলে জেহাদে মুক্ত হৃদয়, সততা সূঁচাম জাগে সে মনে ।
 মর্দে খোদার দৃঢ় বিশ্বাস চির সত্যের কেন্দ্রভূমি,
 তামাম আলম শেষ হয় যেথা শুধু কুহেলির প্রান্ত চুমি' ।
 যুক্তি জ্ঞানের সেই মজিল, — প্রেম থেকে গড়া সত্তা যার,
 সারা বিশ্বের মহফিলে সেই দীপ্ত আত্মা পূর্ণতার ।

৬.

ওগো মসজিদ ! প্রাণৈশ্বর্যে ধর্মের তুমি মুক্ত দান,
 তোমার তরেই আন্দালুসিয়া পেয়েছে জমিনে কা'বার মান ।
 তোমার তুলনা খোঁজে যদি কেউ আকাশের নীচে এই ধরান্ন,
 পাবে সে কেবল মোমিনের দিলে পাবেনা অন্য কাল ছায়ায় ।
 আহা সেই সব সত্য পথিক আরবের বীর ঘোড় সোয়ার
 ঈমানের পথে মুজাহিদ যারা আন্লো মহৎ নীতি বিচার,
 রহস্য গাথা তাদের জীবন, তাদের শাসন খুলেছে এই
 হৃদয়ের এই রাজ্য শাসনে রাজসিকতার মুনিমা নেই ।
 প্রাচী প্রতীচীকে শেখালো তারাই, খুলে দিল দ্বার বিজ্ঞানের,
 শত অজানার অঁধার যখন ছিল বৃকে চেপে প্রতীচের ।
 আজো দেখি তাই তাদের রক্তে আন্দালুসের নারী ও নর
 উজ্জ্বল মুখ, উদার হৃদয়, আতিথেয়তায় নম্রতো পর ।

আজো দেখি তাই সঞ্চরি ফেরে যুগাক্ষী যত কাননময়,
 এখনো তাদের দৃষ্টির তীর পার হয়ে যায় ভীরা হৃদয় ;
 'স্নেহমনের সেই খোশবু হাওয়ান্ন পাই যে এখনো, ওঠে যে রণি'
 এ মাটির গানে আরবের সুর,—দূর হেজাজের প্রতিধ্বনি ।

৭.

সিতারার চোখে তোমার জমিন অপরাপ নীল নভঃ সমান,
 কত শতাব্দী, আহা কত যুগ শোনেনি এ মাটি সেই আজান ।
 কোন্ সে বিরান অধিত্যকান্ন অথবা সে কোন্ জমিনে হায়
 ঝাঝ ঝাড়ে ও ঘূর্ণাবর্তে প্রেমের কাফেলা পথ হারায় ।
 দেখেছে একদা জার্মানী তার ধর্মীয় নীতি সংস্কার,
 পুরাতন রীতি স্মৃতির নিশানা জানি কোনখানে রাখেনি আব,
 পাদ্রী পোপের সততা এখন যেন সে অলীক আখ্যাতিকা,
 ছুটেছে এখন চিন্তার তরী সম্মুখে স্রোত কুজ্বাটিকা ।
 অঁাখি বিস্ফারি দেখেছে ফরাসী খুন-রাঙা সেই ইনকিলাব,
 প্রতীচীর বুক দিয়েছে যা এনে বিপর্যয়ের এ সন্ন্যাস ।
 জীর্ণ প্রাচীন রোম ছিল নিয়ে রক্ষণশীল প্রথা, বিচার,
 নব জাগরণে চেয়েছে সে ফিরে নওজোয়ানীর নও বাহার ।
 সেই বিক্ষোভ ঘূর্ণীতে ঘোরে ইসলাম আর মুসলমান,
 এ খোদায়ী 'রাজ'—রহস্য যার পারে না জানাতে কার জবান ।
 দেখ সমুদ্রতল হতে কোন্ সম্ভাবনার হস্র প্রকাশ,
 দেখ কোন্ রঙে বদলায় আজ নীলা গম্বুজ—নীল আকাশ ।

৮.

গোধূলি-মগ্ন মেঘ ছুঁয়ে যায় খাড়া পাহাড়ের উঁচু কপাল,
সূর্যাস্তের রক্তাভা যেন বাদাংশনানের হিরক লাল ।
সহজ, সরল কৃষ্ণাণ কুমারী গেয়ে যায় এক আতশী গান,
হৃদয় তরীর পথে যৌবন যেন উচ্ছল বিপুল বাণ ।
শোন নদী ধীর 'বাদিল কবীর' বিদেশী পথিক তীরে তোমার,
দুই চোখে তার নেমেছে এখন অন্য যুগের স্বপ্নভার ।
আছে তবু দির পর্দা আড়ালে লুকানো এখনো নম্রা জাহান,
নেকাব-মুক্ত তবু তার উষা দূ'চোখে আমার দীপ্তিমান ।
যদি চিন্তার মুখ থেকে আমি সরাই ঘোমটা, প্রতীচী তবে
হবে চঞ্চল, আমার গানের অগ্নি দহনে অধীর হবে ।
মরণ সমান সে জীবন, যেথা নাই বিপ্লব—ইনকিলাব !
সকল জাতির এই প্রাণধারা, চিন্তা বিভব—ইনকিলাব !
ভাগ্যের হাতে কণ্ডম যেমন খর তরবার তীক্ষ্ণধার,
প্রতি মুহূর্তে নেয় যে হিসাব, নাই নিষ্কৃতি সেখানে আর ।
সকল চিত্র অসম্পূর্ণ হৃদয়ের তাজা রক্ত ছাড়া,
সব সংগীত বিষাদে পূর্ণ হৃদয়ের তাজা রক্ত ছাড়া ॥

জিব্রাইল ও শয়তান

জিব্রাইল

প্রাচীন দিনের সঙ্গী ! গন্ধ ও বর্ণের বিষয়ে কি নিশ্চয় তোমার দিন যায় ?

শয়তান

অগ্নি ও আকোশে তিত্ত, বিশ্বাদ ব্যথায় ম্লান, প্রতীক্ষায়, ক্লান্ত প্রত্যাশায় ।

জিব্রাইল

যায় না এমন ক্ষণ যখন তোমার নাম জাম্মাতে হয় না উচ্চারণ !

হাত গৌরবের পথে পারো না কি মুছে দিতে ধ্বনি-ম্লান ও ছিন্ন দামন ?

শয়তান

কী গোপন অভিপ্রেতে জ্বলি আমি রাত্রিদিন বুঝিবেনা—হায় জিব্রাইল !

বিত্রাস্ত, উন্মাদ চিত্ত জাম্মাতে এসেছি ফেলে পান-পাত্র—স্বপ্নের নিখিল !

এখানে ধরার বক্ষে মুহূর্তের অধিবাস—অসম্ভব ; এ যে অসম্ভব ।

এ নৈঃশব্দে নাই পথ, গৌরব-প্রাসাদ নাই , নাই দ্বন্দ্ব সংঘর্ষের রব !

আশার বিদ্যুৎ যার নিখিল বিশ্বের বৃকে ছায়া ফেলে তিত্ত বেদনার

কি আশ্বাস দেবে তারে, নিরাশ হোয়ো না কভু কৃপাময়—

কৃপায় আত্মার ?

জিব্রাইল

তোমার উন্নত শির নামায়েছে ধূলিতলে অক্লান্ত বিদ্রোহ তোমার,
অবশিষ্ট আছে আর ফেরেশতার কি সম্মান, কি মর্যাদা, দৃষ্টিতে
আল্লার ?

শয়তান

আমার বিদ্রোহী আত্মা জ্বলিয়াছে অনির্বাপ বহ্নিশিখা আদমের বৃকে
আমারি বিদ্রোহে যুক্ত বুদ্ধি-মননের বস্ত্রে ধূলিমুষ্টি চলেছে সম্মুখে ।
সত্য অসত্যের দ্বন্দ্ব দ্রষ্টা তুমি দূরবর্তী দূরপ্রান্তে আছো দিব্যামী,
প্রমত্ত ঝঞ্ঝার মুখে কে জাগে সংগ্রামী চিত্ত—জিব্রাইল ! তুমি কিম্বা আমি ?
খিজির সহায়হারার, অসহায় ইলিয়াস সে ঝড়ের প্রমত্ত গতিতে !
আমার ঝঞ্ঝার পথ সমুদ্রে সমুদ্রে আর তরঙ্গিত নদীতে নদীতে ।
তবু তুমি এই প্রশ্ন শুধায়ো আল্লার কাছে পাবে তাঁর যখন দিদার,
মানুষের ইতিহাস উজ্জ্বল হয়েছে আজ অফুরান প্রাণ-রক্তে কার ?
সর্বশক্তিমান যিনি—বিকীর্ণ কাঁটার মত বক্ষে তাঁর জাগি যে অম্লান,
চিরন্তন কাল শুধু তোমরা গুঞ্জরি যাও : সুমহান প্রভু সুমহান ।

বু'আলী কলন্দর

মুহব্বতের কুঅতে যখন সত্তার পূর্ণতা

শক্তি তাহার মূর্তিতে আনে

সসাগরা ধরাতল,

তার কঙ্জায় ঝলসিয়া ওঠে আল্লার দেওয়া বল !

ধরা পড়ে তার মূর্তিতে ধরার,

সঞ্চয়, সম্বল ।

ভাঙে সে রাতের নির্দ,

নির্দেশ তার মেনে চলে ভয়ে দারিসুস ; জামশীদ ।

যাঁর কথা জানে সারা হিন্দুস্তান—

জালালী ফকীর বু'আলী কলন্দর,

যাঁর পরশনে মরুভূমি হ'ল

জান্নাত-সুন্দর,

প্রসন্ন যাঁর এনে দিল ফের

তাজা গোলাবের গান,

তাঁর জীবনের একটি কাহিনী

শোনাবো অতঃপর ;

—তামাম হিন্দে মশহর যিনি

বু'আলী কলন্দর ।

এক দিন তাঁর ভক্ত মুরীদ চলেছিল পথে একা,
ফুটেছিল তাঁর ললাটে চিন্তা, ধ্যান-গভীর লেখা ।
বাদশার প্রিয়, সুবার আমীর ঘোড়ায় সওয়ার হয়ে
চলেছিল, সাথে লশ্কার চলে তাঁর নির্দেশ বয়ে ।
সমুখে যখন পড়িল তাঁদের ফকীর দীউয়ানা সেই
নকীব তখন ফুকারিয়া বলে এই :
“বেহঁশ পথিক পথ ছেড়ে চল আমীর ওমরাহের ।”

দুনিয়ার হাল ছিল না সে ফকীরের,
আপনার ভাবে বিভোর হ’য়ে সে চ’লেছিল এক মনে,
আমীরের এক উদ্ধত দাস নির্ভীক সেই ক্ষণে
ক্রুদ্ধ আঘাত হানিল হেলায় শিরে সেই ফকীরের ।
আমীরের পথ ছাড়িয়া আহত ফকীর চলেন ফের ।
ক্ষত মস্তক জীর্ণ বস্ত্রে বাঁধি’
কলন্দরের দরবারে এসে ফকীর পড়িল কাঁদি’ ।

গজি উঠিল নিমেষের মাঝে বু’আলী কলন্দর,
জলিয়া উঠিল আশ্বনের মত প্রশান্ত অন্তর,
গলিত লাভার বন্যা ভাসালো সুশুপ্ত বন্দর ।

মিসমার করি বজ্র ষেমন পড়ে পর্বত চূড়ে
তেমনি আদেশ শুনিয়া উঠিল কলন্দরের সুরে,

বলিল : এখনি ফকীরের লিপি দাও শাহী দরবারে,
 দরবেশী এই পত্র পাঠাও হিন্দের বাদশারে,
 “আমার ভক্ত মুরীদে মেরেছে আমার অকস্মাৎ,
 চেনেছে সে তার জীবনে তীর জলন্ত হতাশন,
 এখনি বন্দী কর তুমি সেই—আমীর খবীস-মন ;
 নতুবা অন্য জনারে দানিব তোমার সালতানাত ।”

আল্লাহ্-ওয়াল্লা ফকীরের চিঠি গেলে বাদশার কাছে
 থর থর করি’ কাঁপিয়া উঠিল বাদশা বিষম ভয়ে,
 সূর্য ষেমন নিঃপ্রভ হয় রোশনি আসিলে ক্ষয়ে
 বিবর্ণ হ’ল বাদশা তেমনি ফকীরের চিঠি পেয়ে ।
 হাতকড়া এক পাঠালো তখনি সেই আমীরের তরে
 কলন্দরের কাছে মাফ চায় বাদশা বিষম ডরে ।

বু’আলীর কাছে দূত হ’য়ে গেল আমীর খসরু কবি,
 —স্বার কাব্যের মাধুরি জাগাতো জোছনা রাতের ছবি,
 স্বার সুর জাল জাগিত গভীর মৌলিক মন হতে,
 ভেসে যেত এই হিন্দের বুক সে সুর-খারার স্রোতে...
 তাঁর সঙ্গীতে বু’আলীর মন গলিল কাঁচের মত ,
 কাব্য সুষমা রাখিল সেবার বাদশাহী অক্ষত ।

পাহাড়ের মত সাম্রাজ্য সে তবু
হ'ল মহীশূন কাব্যের সরগিতে !
আহত কোরোনা ফকীরের দিল কতু,
ফেলো না নিজেকে জ্বলন্ত বহ্নিতে ॥

পাঞ্জাবের পীরজাদাদের উদ্দেশে

মুজান্দিদের মাজারে আজ এ দিল বেকারার !
আকাশ তলে মাটি যেমন আলোর সত্তার ॥
পায় সিতারা শরম যে এই ধূলি কণা দেখে,
হেথায় গোপন মর্মে মুমিন সাহেবে আস্রার ॥
জাহাঙ্গীরের সম্মুখে যাঁর হয়নি নত শির,
নিঃস্বাসে যাঁর উষ্ণতা পায় আজাদী-আহ্রার ॥
হিন্দে যিনি মিল্লাতেরি ছিলেন নেগাহবান,
আল্লা যাঁকে ক্রান্তিকালে করেন হ'শিয়ার ॥
আরজি ওঠে তখন প্রাণের : দাও ফকীরি মোরে,
দুই চোখে হায় দৃষ্টি তবু জাগ্রত নই আর ॥

আফসোস এই জিন্দেগীতে হওনি শাহীন তুমি,
দৃষ্টি তোমার এই জীবনে চেনেনি ফিত্রাত,
সকল ভাগ্য নিয়ন্তার এ অমোঘ বিধান জেনো
দুর্বলতার কতিন সাজা মৃত্যু অপঘাত ॥

পাশ্চাত্যের শক্তি

পাশ্চাত্যের শক্তি সে নয় রোবাব অথবা বেহালাতে,
নাই সে শক্তি পর্দাবিহীন নারীর নৃত্য জলসাতে,
নাই সে শক্তি পুষ্পমুখী ও যাদুকরীদের মায়াজালে,
নাই অভিনব কেশ-কর্তনে, নগ্ন উরুর তালে তালে.
নাই সে শক্তি নাস্তিকতায়—ধর্মবিহীন মতামতে
নাই সে শক্তি লাতিন হরফে—প্রাচীন লিপির শরাফতে,
জ্ঞান-বিজ্ঞান শিল্প থেকে সে পেয়েছে বিশ্বে বিপুল বল,
এ আশুন থেকে চিরাগ যে তার হ'ল রওশন—সমুজ্জ্বল ।

নাই হিকমত পোশাকের ছাটে, পাবে না জামার বদৌলতে ,
প্রতিবন্ধক নয় জেনো কভু পাগড়ি আমামা জ্ঞানের পথে ॥

গতি

সারা জাহানের জিন্দেগী শুধু চলার মাঝে,
“রস্মে কুদিস” —এ রীতি প্রাচীন সকল কাজে ।

শোন রাহাগির ! এ পথে দাঁড়ানো কুহক প্রীতি.
গতিহীনতার মাঝে সুগোপন মরণ ভীতি ।

যারা গতিমান, এই পথে তা'রা গিয়াছে হেসে,
দাঁড়ায়েছে যারা শেষ হ'ল তা'রা জড়ের বেশে ।

আমলে বরজাখ

মুর্দা

সে আগামী কাল কবে, কোন দিন,—রোজ কেয়ামত হবে যখন
যদি জানো তুমি প্রাচীন আবাস ! বল তবে তার রূপ কেমন ।

কবর

জানো না কি তুমি শত বর্ষের মুর্দা তুহিন মরণে ছাওয়া
রোজ কেয়ামত প্রতি মৃত্যুর পিপাসা-বিধুর চরম চাওয়া ।

মুর্দা

পরম কাম্য রোজ কেয়ামত গোপন চাওয়া যে মরণে, তার
পড়ি নাই ফাঁদে, হইনি শিকার,—নাই সংযোগ সাথে আমার ।
মৃত লাশ আমি শত বর্ষের, একশো বছর হ'য়েছে পার ;
তবু নই আমি পেরেশান এই আঁধার জঁঠরে মৃত্তিকার ।
আর একবার জীর্ণ এ দেহে আত্মা আমার হবে সোনার,
—এই যদি হয় রোজ কেয়ামত, তবে নই আমি খরিন্দার ।

গায়েবী আওয়াজ

সাপ, বৃশ্চিক আর পশুদল,—কারো তক্দির নম্র এমন,
দাস জানি যারা তাদের ভাগ্যে রয়েছে মৃত্যু চিরন্তন ।

ইস্রাফিলের আওয়াজ ওদের পারেনা তো দিতে ফিরায়ে প্রাণ,
জীবনেও ওরা মরার শামিল, বোঝা ব'য়ে যায় অপরিমাণ ।
মৃত্যুর পরে ফিরে যাওয়া প্রাণে মুক্ত জনের এ তকদির,
জীবিত প্রাণীর ভাগ্যে যদিও আছে একবার স্বাদ মাটির ।

কবর (মুর্দার প্রতি)

দুনিয়ায় ছিলে গোলাম, কেন তা বলনি জালিম দীর্ঘ দিন ?
বুঝেছি এবার কি কারণে, কেন আমার এ থাক কাল কঠিন ।
মলিন আমার এ মাটির রঙ হ'ল কাল সিন্ধা তোমারি তরে,
ইজ্জৎ হারা এ মাটির মন ওঠে শিহরিয়া তোমারি তরে ।

মাটির দো'আ

শোন পাক জাত মালিক আল্লাহ্ !--শোন ফরিয়াদ আজ আমার,
পানাহ্ দাও খোদা ! গোলামের লাশ থেকে পানাহ্ চাই হাজার বার ।

গান্ধেবী আওয়াজ

এই পদ্ধতি প্রাণের যদিও আনে সৃষ্টিতে বিপর্যয়,
তবু রহস্য জিন্দেগানির এ পথেই হয় জীবনময় ।
'জলজ্বলা' ঐ ভূকম্পনের যে আঘাতে ওড়ে খাড়া পাহাড়,
সে জলজ্বলান্ন অধিত্যকায় ফিরে আসে ফের নও বাহার ।
অপরিহার্য সৃষ্টির পথে চরম ধ্বংস বিশ্বস্তাস
জীবন বোধের জটিল চক্রে এই সমাধান,—এ আশ্বাস ।

জমিন

এ চিরন্তন মৃত্যু এবং জিন্দেগানির এই জেহাদ,
এই সংগ্রাম হবে নাকি শেষ, মিটবে নাকি এ বিসম্বাদ ?
পুতুল-পূজার মোহ থেকে মন পান্ননি তো আজও তার নাজাত,
জানী, জানহীন হয়েছে গোলাম, প্রভু যে ওদের লাভ মানাত !
কোথায় অতলে হারানো মানুষ, হারানো কোথায় সেই সিকাত !
দৃষ্টিতে আর হৃদয়ে আমার এ যে গুরুভার শিলা প্রপাত !
কেন মানুষের দুঃখ রাতের শেষে নামছে না আজ প্রভাত ?

*‘আলমে বরআখ’—আত্মসমূহের স্বতন্ত্র বিশ্ব ।

জামানা

যা আছে আজ আর হবে না,
যা ছিল তার নাই নিশানা,
আসেনি যা তারি পথে
জাগে অশেষ এই জামানা ॥

কণায় কণায় যায় ছড়িয়ে
এই সুরাহি পাত্র থেকে,
গণি আমি আপন মনে
দিন রজনীর তস্‌বি দানা ॥

সবার সাথে চেনা আমার
তবু যে মোর পথ নূতন
বাহন আমি, আমি সওয়ার ;
কঠিন আমার আঘাত হানা ॥

কাল বল দোষ, — যদি তুমি
না এলে মোর মহ্‌ফিলে,
রাতের শারাব দিনে দেওয়ার
রীতি আমার নাইতো জানা ॥

আমার কথা জানেনা কেউ,
জানেনা ঐ জ্যোতিবিদ,
জানেনা তার তীরের ফলক
কোথায় শিকার ; কোন্ ঠিকানা ॥

নয় প্রতীচীর সঙ্ক্যা রঙিন,
রক্ত নদী ঐ দূরে,
ভোরের পানে দেখ চেয়ে
আজ ও কালের শেষ সীমানা ॥

বিশ্ব ধরার স্বভাব থেকে
ছিনিয়ে নিল শক্তি যে,
নয় নিরাপদ বিজ্ঞান শিখায়
এখন যে তার আশিয়ানা ॥

জানি ওদের মৌসুমী আর
নীল দরিয়া, নৌ-বহর,
কেমন করে রুখবে তবু
ভাগ্যালিপির এই বাহানা ॥

নতুন জাহান' উঠছে জেগে
মৃত্যুমুখী এই ধরা,
ফিরিঙ্গীদের কারসাজিতে
হ'ল যে হায় খুমারখানা ॥

ঝড় তুফানের মুখে যে জন
জ্বালিয়ে রাখে দীপ শিখা,
সেই দরবেশ,—বান্দা খোদার
পায় দৌলত শাহিয়ানা ॥

মোনাজাত

যারা করুণার প্রার্থী,—তাদের
মুশকিল তুমি করো আসান
এই অসহায় পিপীলিকাদের
সুলায়মানের করো সমান ।

সেই দুর্লভ ঈশকের শিখা
করো তুমি আজ সুলভে দান,
হিন্দের এই মঠবাসী জনে
করো তুমি খোদা মুসলমান ।

সঘন বিষাদে বহিছে নয়নে
অঝোর অশ্রু-রক্তধার ;
কোটি ধুঞ্জের দীর্ণ হৃদয়
হাহাকার করে ওঠে আবার ॥

পুষ্প-সুরভি ক'রেছে প্রকাশ
গোপন কাহিনী মালঞ্চের ;
হবে বিশ্বাস হস্তা কুসুম !
নেবে কি ভ্রান্ত ভূমিকা ফের ।

ফুল মৌসুম শেষে দেখি আজ
পড়ে আছে তার বন বীণার ;
বিরান এখন গোলাব কানন
গানের পাখীরা গাহে না আর ।

শুধু গেয়ে যায় সারা দিনমান
বুলবুল এক সঙ্গীহারা ;
সুরে ও বিষাদে পূর্ণ কর্ত
ঢালে হৃদয়ের রক্তধারা ॥

সন্দের শাখা ছাড়িয়া কখন
গীতি বিহীন গিয়াছে চলি’
বারা কুসুমের পাপড়িতে হায়
ছেয়ে গেছে সারা বনছলি ।

এ গুলশানের সব গৌরব
সব কীতি হ’ল অপসরণ ;
পল্ল-বিরল প্রশাখা যে তার
নগ্নতা হেরি চান্ন মরণ ।

চলমান এই ঋতুর চক্রে
গাহে এক পাখী আপন মনে,
সঙ্গীহীনতা ভুলবে সে যদি
বোঝে কেউ ব্যথা এ ফুলবনে ॥

আনন্দ-হারা জীবন এখানে
মরণ আনে না স্বস্তি আর
দীর্ঘ শ্বাস ভরেছে আকাশ
দেয় প্রশান্তি রক্ত ধার !

আরশি আমার এ হৃদয় থেকে
চিন্তাধারার জাগে প্রয়াস,
কত উজ্জল স্বপ্নের দল
এ হৃদয়ে মোর চায় প্রকাশ ॥

এ কাননে কেউ বোঝে না আমার
ব্যথা-দীর্ঘ এ প্রাণের জ্বালা ,
বেদনা-চিহ্ন ষার বুকে
সমব্যথী মোর নাই সে জা'লা ॥

যেন গো দীর্ঘ হয় প্রতি মন
এ করুণ গানে বুলবুলের,
বাজে দারার ভাঙে যেন ঘুম
সব হৃদয়ের — ; মৃত মাঠের ॥

যেন জীবন্ত হয় প্রাণময়
এই সঙ্গীতে সারা নিখিল
প্রাচীন সুরায় তুষার আবার
জাগে যেন সব পিয়ারী দিল ।

আজম দেশের পেয়ালা যদিও
হিজাজী শারাব পাত্রে মোর,
হিন্দের এই গীতিকা তবুও
রয়েছে হিজাজী সুরের ডোর ॥

অশ্বতর ও সিংহ

সিংহ

মরু আর বনে বসতি যাদের

তুমি তো তাদের গোত্রে নহো,

কে তুমি ? তোমার কোন্ খান্দান

কে তোমার পিতা ? কে পিতামহ ?

অশ্বতর

আমার মামার সাথে হজুরের

নাই পরিচয় সম্ভবত

মিনি বাদশাহী আস্তাবলের

গৌরব ; —গতি ঝড়ের মত ॥

‘শেকোয়া’ থেকে

১

কেন সয়ে যাব এ ক্ষতির পাল্লা

জাতির অন্ধ নিবিকার ?

আগামী দিনের বুক ভরে কেন

নেব অতীতের বিষাদ ভার ?

মুগ্ধ শ্রবণ রবে উন্নয়ন

শুন্তে কি সুর বুলবুলের !

নিশ্চুপ কেন রবো চিরদিন ?

ফুল নই আমি মালঙ্কের !

এই পুষ্টিত বেদনায় আজ

জীবন আমার বাণী মুখের

আল্লাহর নামে নালিশ আমার

হোক এই মুগ্ধ ধূলি ধূসর ॥

২

তোমার বান্দা সেবক নামেই

আমি খ্যাতিমান এই ধরায়

শোনাই তবু এ দুখের কাহিনী

মুক্ত তোমার রাজ-সভায়

নীরব যদিও হৃদয়-তন্ত্রী
শূন্য প্রাণ করুণ রবে
যদি ক্রন্দনে আসে গো বাহিরে
ক্ষমা করো দোষ হে প্রভু ! তবে

দেখ অভিযোগ যে এনেছে তার
ভক্তের ছাপ রয়েছে বুকে
বন্দনা করা রীতি যার প্রভু !
শোন এ নিন্দা তাহারি মুখে

সময়ের পরে তোমার সত্তা প্রভু !
অস্তিত্ব ঘিরে ছিল গুলশান ।
গোলাপ যদিও ছিল মালধে তবু
সুরভি তখনো হয়নি প্রকাশমান ।

× ×

মন্দিরে বলে মূর্তিরা আজ
ঃ গেল মুসলিম ঈমানদার
তোলে আনন্দ উল্লাস ধ্বনি
গেল চ'লে যদি দ্বারী কাবার ॥

চ'লে গেল তা'রা গাহিত যাহারা
মৃত্যু কর্তে হৃদীর গান,
চ'লে গেল তা'রা এই অবলম্ব
সাথে নিয়ে গেল আল কোরান ।

কাফের বে-দ্বীন দেয় টিটকারী
কি ক'রে তোমার প্রাণে তা সন্ম
তৌহিদ তরে হৃদয়ে তোমার
জাগেনাকি সাড়া বেদনাময় ?

তোমার দুনিয়া মুসলিম ছাড়া
অন্য সবারে চায় যে আজ
স্বপ্নবিলাসী ছিল যে ভুবন
সেই শুধু তোলে ফাঁকা আওয়াজ ।।

তবে তাই হোক চ'লে যাই মোরা
আসুক অন্য জাতি ধরায়
চ'লে গেলে তুমি বলোনা আবার
তৌহিদ শিখা নিল বিদায় ।

ধরণীর বাস চাহি মোরা যাতে
নাম থাকে তব মহিমাময়
সাকী যদি আর না থাকে তবে
শুধু কি সুরার পাল্ল রয় ?

জন্মে জিহাদে যুদ্ধের মাঠে
পড়েছি নামাজ হ'লে সময়
কাবা-মুখী সব আহলে হেজাজ
সিজদাতে শির পেত অভয়

হোক মাহমুদ অথবা আয়ায
দাঁড়ায়েছি মোরা এক কাতার
মানিনি বিভেদ পাশাপাশি থেকে
কেবা সুলতান, ফকীর আর ॥

জানি নাই দিন, মানিনি রাত্রি
তোমার ধরায় অনবরত
ভৌহিদী সূরা বহি অবিরাম
ফিরেছি তোমার সাকীর মত ।

পার হয়ে গেছি মরু বিয়াবান
পার হয়ে গেছি খাড়া পাহাড়
তুমি বলো প্রভু, বার্থতা নিয়ে
আমরা কখনো ফিরেছি আর ?

ওধু জমিনেই নহে তবে শোন
সত্য নিশান বহি' তোমার
অতলান্তিকে ঝাঁপিয়ে পড়েছি
চির দুর্জয় ঘোড় সওয়ার

হ'ল দরবার শূন্য তোমার
নিম্নাছে বিদায় প্রেমিক যারা ।
নিম্নাছে বিদায় নিশীথের স্বাস
প্রথম প্রাতের অশ্রুধারা ।

যারা দিয়েছিল হৃদয় তোমাতে
নিয়ে গেছে তারা পুরস্কার ।^১

১. কররুখ আহমেদের পাণ্ডুলিপির প্রাথমিক খসড়া থেকে গৃহীত ।

জওয়াব-ই-শিক্‌ওয়া

অতীতের সেই গরিমার দিন,—শেষ হ'ল তার পালা,

নও বাহারের গৌরব ভার হারিয়েছে গুলে লা'লা ।

যখন আশিক ছিল মুসলিম,—প্রেমিক সে আশ্চর্য,

ছিল কি অভাব দরদী দিলের প্রেমের একাগ্রতার ?

মেনে নাও তবে মহান সংজ্ঞা সুদূত সত্যের

করো প্রতিষ্ঠা নবীর বিধান ;—কানুন আহমদের ॥

০

আজ সুকঠোর জাগরণ তব নব প্রভাতের তীরে

আজ তুমি ভালবাসনা আমারে ভালবাসো সৃপ্তিরে,

রমজান মাসে রোজার বিধানে দেখ আজ কঠোরতা !

বংলা বলো তবে এই কি তোমার প্রেমের একাগ্রতা ?

দৃঢ় বিশ্বাস রুস্তের 'পরে জাগে কণ্ঠের মন

আসমানে তারা নাহি জাগে, যদি না থাকে আকর্ষণ ॥

০

মুহম্মদের সরগি ছাড়িয়া কা'রা হ'ল পলাতক ?

সুবিধাবাদের পন্থা খুঁজিয়া নিল কে প্রবঞ্চক ?

কা'রা হ'ল আজ পর-পদ-লেহী অন্যের অনুসারী ?

গিত-পন্থা ত্যাগী হ'ল কা'রা শান্তির পথচারী ?

হৃদয়ে তোমার নাই যে বেদনা, নাই আর ভাবাবেগ

মুহম্মদের পন্থাগামে তব নাই শ্রদ্ধার রেখ ॥

মসজিদে শুধু আসে গরীবেরা মোর,
সহিছে গরীব সিয়ামের তৃষা মোর,
শুধু গরীবেরা নেন্ন যে আমার নাম,
বাঁচান্ন সে আজ্ঞে? পর্দা তোমার ;—পুরান্ন মনফাম ।

মাতাল ধনিক ঐশ্বৰ্যের ডোরে

মত্ত নেশান্ন ভুলিয়া গিয়াছে মোরে ॥

০

মুফতী আজিকে হারান্নেছে তার প্রজার পূর্ণতা,
নাই হৃদয়ের সেই উত্তাপ, নাই বাক মত্ততা,
র'য়েছে আজান, নাই শুধু আর পাক রুহ বিলালের ,
দর্শন আছে, নাই গাজ্জালী—প্রতীক সে মুমিনের ।

মস্জিদ শোকে মসিয়া পড়ে, নামাজী সেথান্ন নাই ,

হিজাজী ঈমানদারের চিহ্ন কোথাও খুঁজে না পাই ॥

০

আয়েশ পুজারী । দিন কাটে তব আরাম প্রত্যাশায়,
মুসলিম নামে পরিচয় দাও...এই কি নিশানি...হান্ন !
নাই হান্নদরী তৃষ্টি, নাহি যে বিত্ত ওসমানের ,
কোন সংযোগ রাখো তুমি আজো সে পিতৃপুরুষের ?

কুল মখলুকে ছিল মাননীয়, ছিল যারা মুসলিম ।

কোরান ছাড়িয়া পাও শুধু আজ অপমান নিঃসীম ॥

আত্মহুতা তোমরা, তাদের ছিল যে আত্মজ্ঞান,
 ভ্রাতৃত্বের বিরোধী তোমরা, তারা ছিল মহীয়ান,
 বাক্য-বিলাসী তোমরা, তাহারা ফিরেছে কাজের টানে,
 কুসুমের তরে কাদো. তা'রা ছিল নির্লোভ গুলশানে !
 সারা দুনিয়ার সব জাতি শোনে তাদের কীতি গাথা ;
 কালের বক্ষে সেই গৌরব আসন রয়েছে পাতা ॥

০

নিরাশ হুয়োনা তবু বাগবান দেখি এ শূন্য পুরী,
 আস্বে সুদিন সিতারার মত ফুটবে ফুলের কুঁড়ি,
 মুছে দিতে হবে শুধু বাগানের সকল আবর্জনা,
 শহীদী রক্তে জাগবে কুঁড়িতে ফুটবার মুহূর্তনা,
 দেখ দিগন্তে রক্ত রঙিন প্রতীচীর অম্বর
 উদয়-সূর্য রশ্মির এই রক্তিম স্রাক্ষর ॥

০

নিখিল জাহান জানেনা যে দাম, মূল্য জানেনা হায় !
 কুল মখলুক সেই পরিচয় আবার জানিতে চায় ।
 তোমার কাকুতি, অনুভূতি, প্রাণ ধরণীর সম্পদ
 মখলুকাতির সেরা দৌলত মহীয়ান খিলাফত !
 নাই বিশ্রাম, চেওনা আরাম কর্মের সরণিতে ;
 লহ গুরুভার জাগাতে ধরারে ইসলামী দীপ্তিতে ॥

ভানের বর্ম দিয়েছি তোমারে প্রেম তব তরবারি,
 মোর দরবেশ লহ খিলাফত,—হও সুযোগ্য তারি ।
 আগুনের মত প্রোজ্জ্বল হ'য়ে আগবে ও তক্তবীর
 হও মুসলিম, তদ্বীর তব জানি হবে তক্তদীর ;
 তুমি যদি হও মুহম্মদের প্রেমিক, আমিও তবে
 তোমার প্রেমিক হবো ;
 দুনিয়াতো ছোট, লওহ কলম দেব আমি তোমাকেই ;
 চির দিন আমি তোমার প্রেমিক রবো ॥

খোদার দুনিয়া

কে তিনি—মাটির নিবিড় অঁধারে লালন করেন বীজ ?

কে তিনি—ওঠান সহজে এ মেঘ দরিয়ার ঢেউ থেকে ?

কে তিনি—আনেন পশ্চিমী হাওয়া, সুফলপ্রসূ এ বারু ?

এ জমিন কার ? অথবা এ কার সূর্য-রশ্মি ধারা ?

মুক্তার যত ফসল করেন শস্যের শীষে জমা ।

কার ইঙ্গিতে অনুভূতিময় মাসের পরিক্রমা ?

শোন জমিদার—এ খেত-খামার এ তোমার নয়,

এ তোমার নয়,

এ নয় তোমার কোন সম্পদ ; আমরা এ নয়

কোন সঞ্চয় ॥

ব্যক্তি ও সমাজের সম্পর্ক

ব্যক্তি ও সমাজ সত্তা—দর্পণ, সূতা ও মোতি,
ছায়াপথ—নক্ষত্রের মত
সমাজে ব্যক্তির মূল্য, ব্যক্তির সংযোগে থাকে
সমাজের রূপ অব্যাহত,
যখন সমাজ দেহ ব্যক্তি সত্তা লুপ্ত করে অস্তিত্ব নিজের
উধাও সমুদ্রে বক্ষে বারি-বিন্দু রূপ নেয় মহা সমুদ্রের ।
সমাজের ভবিষ্যৎ অথবা অতীত মনে ছায়া ফেলে তার ,
সুগঠিত চরিত্রের অধিকারী, তার সত্তা
স্বপ্ন দেখে আগামী উষার ।

অশেষ সময় তার, শেষ নাই, সীমা নাই, যুগ চিরন্তন
সমাজের প্রাণাবেগে উর্ধ্বমুখী আত্মা যার খোঁজে উন্নয়ন ;
কাজের হিসাব নেয় বিশাল সমাজ সত্তা
তার কাছে যেন অনুক্ষণ ।

সম্পূর্ণ সমাজময় অন্তর বাহির, তার—
দেহ মন সুগঠিত সমাজের ছাঁচে
সমাজের ভাষা থেকে ভাষা পায়
প্রেরণা পায় সে পূর্বপুরুষের কাছে ।
সমাজ-সান্নিধ্যে তার গ'ড়ে ওঠে চরিত্রের দৃঢ় বুনিয়াদ,
সমাজের নামান্তর সেই ব্যক্তি হয় নিজে, হয় স্বপ্নস্বাদ,

এক হয় শক্তিশালী অনেকের সহযোগিতায় ,
একীভূত হ'য়ে জানি অনেক অসংখ্য আত্মা একে রূপ পায় ।

একটি কথার গ্রন্থি স্থানচ্যুত হয় যদি
কাব্য রূপ হয় অর্থহীন,
যে পল্ল বিচ্ছিন্ন হয় বৃক্ষশাখা হ'তে, আর
পায় না তো ফাল্গুন সুদিন,
মিল্লাতের জমজম—পূণ্য বারি যে মানুষ করে নাই পান
নিষ্পত্ত নিস্তেজ তার অগ্নিকণা চিরদিন মৃত্যুর সমান ।

নিঃসঙ্গ যখন ব্যক্তি হয় সে সামর্থ্যহীন
পায়না তো কামিয়াবি—যথের সন্ধান,
যখন সমাজ দেয় নীতি ও শৃঙ্খলা তাকে
ভোরের হাওয়ার মত ভারমুক্ত সহজে সে হয় গতিমান ।

শমশাদ বৃক্ষের মত মাটিতে নিবদ্ধ মূল তার,
শৃঙ্খলায় বেঁধে তাকে বিশাল সমাজ সত্তা দেয় স্বাধীনতা,
যখন আবদ্ধ হয় নিগড়ে কঠিন শৃঙ্খলার
হরিণীর নাভি মূলে সুরভিত মেশক শোনে
অপরূপ তার সৃষ্টিকথা ॥

আসরারে খুদী : সূচনা খণ্ড

দুরন্ত দস্যুর মত যখন প্রোজ্জ্বল সূর্য হানা দিল শর্বরীর 'পরে
আমার ক্রন্দন ধারে শিশির-সিক্ত হ'ল গোলাবের মুখ,
নাগিসের ঘুমঘোর মুখে নিল মোর অশ্রু কণা,
উজ্জীবিত তৃণদল উল্লাসে ছড়িয়ে যায় আমারি সে একাগ্র আবেগে ।

আমার বানীর শক্তি পরখ করিয়া নিল মালকের মালা ফর প্রসে,
মোর গীতিকার প্রাণ বপন করিল আর তুলে নিল দৃপ্ত তরবারি,
আমার অশ্রুর ধারা ছড়িয়ে গেল সে মালী মৃত্তিকার বুকে
তন্তুর উর্গার মত অরণ্যের সাথে মোর আর্ত সুর করিল বয়ন ।

যদিও কণিকা আমি তবু জানি খরপ্রভা সূর্য সে আমারি,
সহস্র উষার দীপ্তি সংগোপন মোর বক্ষ মাঝে,
জাম্বুদীপের পাত্র হ'তে উজ্জ্বল আমার ধূলি জানে সংজ্ঞা তার
জন্ম যে নেয়নি আজো ধূলিরুদ্ধ ধরিত্রী বুকে ।
শিকার ক'রেছে মোর চিন্তাধারা সেই হরিণীকে
বাহিরে আসেনি আজো যে এখনো অনস্তিত্ব অন্ধকার থেকে ।

সবুজে শ্যামলে মোর মনোহর অরণ্য সুন্দর,
আমার বসন-প্রান্তে সুপ্ত আজো সংখ্যাহীন গোলাব কুঁড়িরা,
নীরব আমার সুরে সম্মিলিত গীতিকার দল ।

আঘাত দিয়েছি আমি নিখিলের হৃদয় তক্তীতে,
প্রতিভার প্রাণকেন্দ্রে সদ্য বিকশিত এই গীতিকা দর্লভ
অপরিচয়ের সূত্রে অজানা বিস্ময় আনে সহযাত্রী পথিকের প্রাণে ।

তরুণ সূর্যের মত জন্ম মোর এ বিশ্বের বৃকে,
আকাশের কক্ষপথ, বিচিত্র এ নভাজন পরিচিত নহে মোর কাছে,
আমার আলোক স্পর্শে জাগে নাই কক্ষ পথে এখনো তারা-রা,
তাপমান যন্ত্রে মোর চঞ্চল হয়নি আজো পারদ কণিকা,
নৃত্যপরা রশ্মি মোর স্পর্শ করে নাই আজো সমুদ্রের বৃকে,
স্পর্শ করে নাই আজো ভোরের রক্তাভা মোর পর্বত শিখর,
অস্তিত্বের আঁখি আজো পরিচিত নহে মোর কাছে ;
কম্পিত তনুতে জাগি, ভীত আমি সত্তার প্রকাশে ।

প্রাচীর দিগন্ত হ'তে উঠে এল প্রভাতের যে রশ্মি আমার,
সঞ্চিত রাত্রির ঘন অন্ধকার সহজে সে করিল লুণ্ঠন,
একটি শিশির বিন্দু ঠাঁই নিল পৃথিবীর ; গোলাবের বৃকে ।

ভাদেদি প্রতীক্ষা করি শতাব্দীর রাত্রিশেষে জেগে ওঠে যারা,
মোর অন্তরের বহিঃ নেবে যারা এক দিন, কত সুখী ; কত সুখী তার ।
প্রয়োজন নাই মোর আজিকার মানুষের বিমূঢ় কর্ণের,
আমি বাণী অনাগত যুগের কবির ।

আমার বাণীর গুঢ় রহস্য বোঝে না এই যুগ,
মোর ইউসুফ নয় পণ্য এই মুক বিপণীর,
প্রাচীন সঙ্গীর প্রজ্ঞা হতাশ্বাস ক'রেছে আমারে,
আমার সিনাই জ্বলে অনাগত ভবিষ্যের মুসার আশায় ।

ওদের বারিধি শুক নিস্তরঙ্গ শিশিরের মত,
আমার শিশির কণা ঝড়াক্কর সমুদ্র বিশাল,
আমার সংগীত ধারা পরিচিত পৃথ্বি ছেড়ে সীমারেখা টেনেছে নূতন,
এ বাঁশী ডাকিয়া ফেরে পথহারা শ্রাস্তুজনে মজিলের পথের আশ্বাসে ।

কত কবি জন্ম নিল সে মহাকবির মৃত্যু শেষে,
আমাদের রুদ্ধ আঁখি খুলেছিল যে নিজের দৃষ্টির আলোকে ।
মাজারের মৃত্তিকায় যেমন গোলাব কুঁড়ি দীর্ঘ করে সুপ্ত পর্ণাধার
নিঃসীম শুনাতা থেকে নূতন দিগন্ত পানে যাত্রা শুরু হ'ল পুনর্বার ।

অসংখ্য কাক্ষেলা জানি পার হ'য়ে গেছে এই যর
নিভুতে,—উটের মত মিশে গেছে তা'রা'দূরে শব্দহীন মৃদু পদক্ষেপে

প্রেমপঙ্খী চিত্ত মোর, এ ক্রন্দন প্রকৃতি আমার,
রোজ হাশরের মত শব্দিত ঝঞ্চাস আমি শুনি একা নৈঃশব্দের সুর,
তক্তীর শক্তিকে মোর অতিক্রম ক'রে যায় সূরের উচ্চাশা,
তবুও নিঃশব্দ আমি এ বীণার দুর্জয় শক্তিতে ।

সে বারি বিন্দুর যদি দেখা নাহি হ'ত মোর খরস্রোত সাথে
সেই ছিল ভালো ;
ভয়ঙ্করী রূপ তার হয়তো উন্মাদ ক'রে দেবে এ সিক্কুকে !
কোনো নদী পারিবে না ধারণ করিতে মোর ওমান দরিয়া,
আমার উন্মাদম বন্যা চাহে আজ নিখিলের সব সিক্কু, সমুদ্র কেনিল ।

যদি এ কুঁড়ির স্বপ্নে গোলাবের গুলশান না জাগে আমার,
তবে এই ফাল্গুনের মেঘচ্ছায়া মূল্যহীন, কৃপা তার ছায়া বার্থতার ।
বজ্র ও বিদ্যুৎ সুপ্ত, সম্মোহিত অন্তরে আমার ;
শিলা আর সমতল পিষে ফেলে ব'য়ে যাই আমি ।

যদি তুমি মাঠ হও শুদ্ধ কর তবে মোর সমুদ্রের সাথে,
সিনাই পাহাড় যদি, তবে তুমি নাও মোর বিদূৎ বিভাস,
আব-হায়াতের আমি অধিকারী, প্রাজ্ঞ আমি জীবনের গুঢ় রহস্যের,
মোর অগ্নি গীতি হ'তে করিমাছে ধুলিতল জীবন-সঞ্চয়,
বিস্তার ক'রেছে পক্ষ ঘনতর অন্ধকারে দীপ্তিময়ী স্ফুলিঙ্গের মত ।

যে কথা জানাবো আমি খোলেনি কখনো কেউ সে অজাত
রহস্যের দ্বার,

চিন্তার দূর্লভ মুক্তা গাঁথিতে চাহেনি কেউ আমার মন্ডন !
চিরন্তন জীবনের গুঢ় বার্তা যদি তুমি জেনে নিতে চাও

তবে তুমি এস,

আকাশ, মৃত্তিকা যদি জয় ক'রে নিতে চাও তবে এস তুমি ।
বন্ধহারা যে আকাশ সেই শুধু এই গান শেখায় আমারে ;
এ গানের সুরজাল ঢাকিতে পারি না আমি বন্ধুর দুয়ারে ।

ওগো সাকী ! ওঠ, ওঠ ভালো পাত্রে রঙিন শারাব,
কালের জ্রুটি তুমি শুরু ক'রে দাও মোর অন্তরলোক থেকে ।
জন্মজন্মের ধারা হ'তে ভেসে আসে যে নুরা উজ্জ্বল,
সে সুরার পূজারী যে বিত্তশালী চিরদিন সম্রাটের মত ।
চিন্তাকে সে ক'রে তোলে আরো স্থির, আরো প্রজ্ঞাময়,
তীক্ষ্ণ অঁখি ক'রে তোলে তীক্ষ্ণতর আরো,
তৃণকে সে দান করে পর্বতের ভার ;
সিংহ-শক্তি দেয় সে শিবারে ।

ধূলিকণা তুলে নেয় সাত সিতারার মাঝে, বারি বিন্দু স্ফীত হয়
সমুদ্রের মত,
রোজ হাসরের মত কোলাহল মাঝে আনে গুঢ় নিস্তরতা ;
তিতিরের পদতল রাঙায় সে ঈগল শোণিতে ।
ওঠ, ভালো স্বচ্ছ সুরা মোর পেয়ালায়,
আমার চিন্তার কৃষ্ণ শর্বরীর বুকে তুমি এনে দাও চন্দ্রালোক আজ,
যেন নিয়ে যেতে পারি ভ্রাম্যমান জনতাকে মজিলে আমার,
তীব্র প্রাণ-চঞ্চলতা দিঙে পারি যেন এই জড়তার বুকে,

উদ্যত উৎসাহে যেন যেতে পারি নবীনের দূস্ত অভিযানে ,
পরিচিত হ'তে পারি নূতনের অগ্রগ্রামী রূপে ।

অঁখি তারকার মত হ'তে পারি দৃষ্টিমান মানুষের কাছে,
বিশ্বের শ্রবণে যেন যেতে পারি আমি সুর হ'য়ে,
কাব্যের সুসমা যেন পরম ঐশ্বর্যময় হয় লেখনীতে ;
আমার কান্নায় যেন জেগে ওঠে শুষ্ক তৃণ অশ্রুসিঞ্চিত ;
প্রাণের প্রান্তরে ।

রুমীর প্রতিভা দীপ্তি উদ্দীপ্ত ক'রেছে আমাকে,
রহস্যের গ্রন্থ হ'তে আজ আমি গেয়ে যাই গান,
আত্মা তাঁর অগ্নিকুণ্ড, জ্বলন্ত, উজ্জল,
আমি শুধু অগ্নিকণা প্রাণ পাই মুহূর্তের তরে ।
পতঙ্গের মত মোরে প্রাস করিয়াছে তাঁর দীপ্ত অগ্নিশিখা,
আমার পেয়ালা পূর্ণ করিয়াছে কানায়, কানায়,
অর্ণ মহিমায় মোর মৃত্তিকারে ফেরায়েছে রুমী,
প্রজ্জ্বলিত অগ্নিকুণ্ড ক'রেছে সে মোর বিভূতিরে,
সূর্যের ঔজ্জ্বল্য, বিভা কেড়ে নিতে বালু কণা উঠে এল মরুভূমি থেকে

পথিক তরঙ্গ আমি তাঁর সমুদ্রের বৃকে ফিরে আসি বিশ্রাম আসায়,
ফিরে আসি তুলে নিতে মুক্তা খণ্ড তাঁর,
দীউয়ানা মাতাল আমি মত্ত তাঁর সুরের সুরায় ,
জীবন সঞ্চয় করি তাঁর বাণীমূলে ।

তখন অনেক রাত্রি ।—বেদনায় পরিপূর্ণ হৃদয় আমার
আল্লার দরবার মাঝে তুলেছিল তিস্ত ফরিয়াদ,
বাথাতুর বিশ্বমাঝে পানপাত্র শূন্য দেখে উঠেছিল আমার বিলাপ
তারপর ঘুমঘোরে ক্লান্ত চক্ষু ডুবে গেল দুঃসহ বাথায় ।
অকস্মাৎ সত্যদ্রষ্টা সে নরের হ’ল আবির্ভাব,
সত্য উপাদানে যিনি লিখিলেন ফোরকান ইরানী ভাষায়,
মোরে বলিলেন তিনি, “উন্মত্ত প্রেমিক ।

পান কর প্রেমের শারাব,
হৃদয় তন্ত্রীতে হানো কঠিন আঘাত ।
তোল তুমি সীমাহীন সে উদাত্ত সুর,
সুরা পাত্রে ফেলে দাও মস্তক আপন,
আঁখি তব দাও অস্ত্রমুখে,
ব্যথিত শ্বাসের উৎস কর আজ মৃদু হাসি তব ;
তোমার অশ্রুর রঙে হোক আজ রুধিরাস্ত্র মানুষের বৃক ।

“নীরব কুঁড়ির মত কত দিন জাগিবে একাকী,
সুরভি বিস্তার কর গোলাবের মতন সহজে ।
নিষ্পন্দ রসনা তব জীবনের গভীর বাথায়,
নিজেকে নিষ্কোপ কর অগ্নিকুণ্ডে ইন্ধনের মত,
নীরবতা ভগ্ন কর ঘণ্টা-ধ্বনি সম,
কাম্লার সহস্র সুর উচ্চারণ কর তুমি প্রতি অক্ষ হ’তে ।

অগ্নি তুমি মেলিহান পরিপূর্ণ কর বিশ্ব তোমার আভাস,
দগ্ধ কর পৃথিবীকে নিজের দহনে ।
রহস্য জানায়ে দাও সে প্রাচীন সুরা বিক্রেতার,
সুরার তরঙ্গ হও, স্বচ্ছ হোক তোমার বসন ।
ভয়ের আরশি তুমি ভেঙে ফেলো বিপণীর মাঝে,
ভেঙে ফেলো সুরার পেয়লা,
নলের বাঁশীর মত বাণী নিয়ে এস তুমি নলবন থেকে,
লায়লার দ্বার থেকে আনো তুমি বার্তা মজনুর,
নতুন সুরের ধারা সৃষ্টি কর তোমার সঙ্গীতে ;
উদাত উৎসাহে আজ জনতারে কর বিত্তবান ।

“হে আশিক ! ওঠ, জাগো,
আবার প্রেরণা দাও জীবিত আত্মারে,
উচ্চারণ কর তুমি নবীন জাগৃতি ;
বাণীর যাদুতে তব জাগ্রত জীবন্ত আত্মা কুল ।
হে পথিক ! ওঠ, ওঠ,
অন্যতর পথে তুমি কর পদক্ষেপ,
দূর কর অতীতের একটানা ক্লান্ত ঘুমঘোর,
পরিচিত হও তুমি সংগীতের আনন্দের সাথে ;
ওগো কাফেলার ঘন্টা, ওঠ, জাগো তুমি ।”

সে বাণীর প্রেরণায় বক্ষ মোর হ'ল উত্তাসিত
সূৰ্য্যাম বাঁশীর মত স্ফীত হ'ল সুরের জোয়ারে,
সংগীত তন্ত্রী মত অকস্মাৎ উঠিলাম জেগে
মানব শ্রুতির তরে প্রস্তুত করিতে এক জামাৎ নূতন ।

তুলিয়া দিলাম সব যবনিকা আশ্র-রহস্যের,
গোপন সংবাদ তার বিশ্বময় দিলাম ছড়িয়ে !
অসমাপ্ত সত্তা মোর অসুন্দর, ছিল মূলাহীন ,
প্রেম দিল পরম পূর্ণতা !
লভিলাম পরিপূর্ণ মানুষের রূপ,
বিশ্বপ্রকৃতির জ্ঞান ভিড় ক'রে এল বক্ষ মাঝে ।

দেখিয়াছি আকাশের গতিমান স্নায়র স্পন্দন,
চাঁদের শিরায় আমি দেখেছি শোণিত বহমান ।
এ জীবন রহস্যের যবনিকা ছিঁড়ে ফেলে দিতে,
প্রকৃতির জ্ঞানাগারে জেনে নিতে জীবনের গঠন কৌশল
ক্রন্দন ক'রেছি আমি দীর্ঘ রাত্রি মানুষের লাগি' ,
নিরঙ্কু রাত্রির বক্ষে ছড়িয়েছি চাঁদের সূক্ষ্মা ।

ভক্তিমত আমি শুধু এক সত্য ধর্মের নিকটে,
পরিচয় আছে যার সংখ্যাহীন পর্বত প্রান্তরে ;
অমর সুরের অগ্নি জ্বালায়ে যায় সে নিত্য মানুষের হৃদয়ের মাঝে ।

ক্ষুদ্র এক পরমাণু ক'রেছিল সে কভু বপন
পরিপূর্ণ সূর্য এক তুলে নিয়ে গেল অবশেষে ,
রুমী, আত্তারের মত ফসল রাখিল তার সংখ্যাহীন কবি ।

আমি এক দীর্ঘশ্বাস উঠে যাব অন্তহীন নভঃনীলিমায়,
আমি শুধু ধুলু তবু জ্বালাময় অগ্নি হ'তে আমার উত্থান ।
সমুদ্র চিন্তার স্রোতে উর্ধ্বায়িত লেখনী আমার
প্রকাশ ক'রেছে সেই অন্তহীন রহস্য বিপুল,
যবনিকা অন্তরালে সংগোপন, ছিল যে লুকায়ে
যেন এক বিন্দু হয় সীমাহীন সমুদ্রের মত ;
বালুকণা হয় যেন বাঁধমুক্ত সাহারা বিশাল ।

মোর মঙ্গলভীর দৃষ্টি নহে শুধু কবিতা সৃষ্টির,
রূপ-উপাসনা আর প্রেম-সৃষ্টি লক্ষ্য নয় তার,
আমি ভারতের কবি, আধেক চাঁদের মত
মোর পাত্র অপূর্ণ আজিও ।
ভাবের দুরূহ যাদু চেয়েনা আমার কাছে,
চেয়েনা আমার কাছে খানাসাব আর ইম্পাহান,
জানি ভারতীয় ভাষা সুমধুর ইক্ষুর মতন ,
তবুও মধুরতর ইরানের সুন্দর জবান ।
উজ্জল সৌন্দর্যে তার ভাবাবিষ্ট আমার হৃদয়,
জলন্ত কুঞ্জের মত রূপে তার পল্লবিত হ'ল এ লেখনী,
হে সুধী ! দিয়েনা দোষ মোর দীন সুরাপাত্র দেখে ,
তৃষিত অন্তর দিয়ে নাও শুধু এ সুরার স্বাদ ॥

ভিক্ষা

সিংহের নখর থেকে কর নিত এক দিন দুঃসাহসী যারা
ধূর্ত শৃগালের রূপে বিবর্তিত ; নিঃশব্দ আজ তা'রা ।

নৈরাশ্যের এ সঙ্গীত, দারিদ্র্যের তিস্ত ফল উৎসমুখ এই বেদনার ;
এ ব্যাধি নেভায়ে দেয়
সমুজ্জল শিখা উচ্চাশার ।

অস্তিত্বের পাত্র থেকে পান কর পানীয় রক্তিম,
কালের ভাঙার থেকে কেড়ে নাও ঐশ্বর্য নিঃসীম,
উটের হাওদা ছেড়ে নেমে এস উমরের মত ।
ঋণগ্রস্ত হ'য়ে তুমি কারো কাছে হোয়োনাকো নত ।

আর কতকাল তুমি গোলামীর দেখবে স্বপন ?
নলের উপরে তুমি উঠে যেতে চাবে আর
কতকাল শিশুর মতন ?

যে শুধু তাকায় থাকে আকাশের পানে প্রত্যাশায়
ভিক্ষার দীনতা নিয়ে নেমে যায়, আরো নেমে যায়,
ভিক্ষায় প্রকাশ করে দীনতার বীভৎস স্বরূপ,
দীনতর ক'রে তোলে ভিক্ষকের সর্বহারা রূপ ;
রাহের সিনাই থেকে কেড়ে নেয় আলোক প্রোজ্ঞল ।


দারিদ্র্যের তিত্ত জ্বালা করিয়াছে তোমাতে বিহ্বল !
 চেয়েনা ভিক্ষার অন্ন,—মুখাপেক্ষী হইয়া না কৃপার
 চেয়েনা সূর্যের কাছে বারি বিন্দু ক্লান্ত পিপাসার,
 রোজ হাসরের মাঠে নবীজীর কাছে তুমি হইয়া না লজ্জিত,
 ভিক্ষারী আত্মার মত হইয়া না বিবর্ণ, প্রকম্পিত ।

সূর্যের সঞ্চয় থেকে মুখাপেক্ষী চাঁদ নেয় জীবিকা আপন,
 করুণা-কলংকে তাই কলংকিত চিরদিন চাঁদের জীবন ।

শক্তি ও সাহস চাও সর্বশক্তিমান পাক দরবারে আল্লার,
 দুরূহ ভাগ্যের সাথে যুদ্ধ তুমি কর দুনিবার,
 দ্বিনের গৌরব তুমি নামাযো না টেনে ধূলিতলে ।
 মূর্তি-আবর্জনা-মুক্ত কা'বা যার শ্রমের বদলে
 মনে রেখ তাঁর বাণী, মনে রেখ ওগো সাবধানী,
 “আল্লার অশেষ প্রেম নির্ধারিত তার তরে জানি
 যে নিজে সংগ্রহ করে আহাৰ্য সঞ্চয় তার সর্ব শ্রম মানি ।”
 ঘৃণ্য সেই মুখাপেক্ষী অন্যের করুণা-প্রার্থী জন
 কপর্দক বিনিময়ে কৃপার আশুনে হায় যে করে সম্মান সমর্পণ ।

সুখী সে স্বাধীনচেতা, রৌদ্রদক, চাহে না তবুও
 আব-হায়াতের পাত্র কোন দিন খিজিরের কাছে,
 অশুভসিদ্ধ নহে যার আঁখি পাতা , নাই যার

দীনতার তিত্ত অন্তর্জ্বালা ,



সে নহে যুক্তিকা খণ্ড ।

সে পূর্ণ মানব—শুধু তারি তরে সম্মানের ডালা ।

মহান তারুণ্য তার উর্ধশির তরুর মতন

আজ্জার আরণ তলে সম্মানিত হয় সর্বক্ষণ ।

সে রিক্ত? তবু সে জেনো আত্মার আলোকে দীপ্ত, পূর্ণ, শক্তিমান ।

কল্পিক্ষু সঞ্চয় তার? তবু জেনো সবচেয়ে প্রজাপূর্ণ তার মুক্ত প্রাণ ।

একটি সমুদ্র যদি ভিক্ষায় সঞ্চয় কর বহিঃ বন্যা পাবে শুধু তাতে,

একটি শিশির-বিন্দু অশেষ মাধুর্যময়

যদি সে অজিত হয় আপনার হাতে ।

সমুদ্রের মাঝে রাখো জল-বুদ্বুদের মত

অধঃমুখ পেয়ালা তোমার,

হও তুমি সম্মানিত মহান মানব, আর

হও তুমি সম্মানিত খলিফা আজ্জার ॥

আকাঙ্ক্ষা

আতপ্ত রক্তের ধারা প্রবাহিত করে দেহে আকাঙ্ক্ষার কণা,
বাসনার দীপালিতে মুক্তিকা-তনুতে জাগে আলোর মুহূর্তনা,
বাসনার তীব্রতায় এ জীবন পান পান্ন পরিপূর্ণ কানায় কানায় ,
চঞ্চল জীবন ধারা গতির প্রবাহে খোঁজে বাসনার দীপ্ত প্রেরণায় ।
পরম বিজয়ে শুধু পূর্ণ বনি আদমের অতপ্ত জীবন,
বাসনার মর্মমূলে মানুষের জয় বার্তা খোঁজে আকর্ষণ ।
জীবন শিকারী এক, আকাঙ্ক্ষার মাঠে তার ফাঁদ ,
সুন্দরের কাছে আনে আকাঙ্ক্ষা প্রেমের সুসংবাদ ।

জীবন গীতির সুর বাসনার কেন্দ্রে জাগে ।

কেন ? কি কারণে ?

যা কিছু সুন্দর, শ্রেয়—জানায় পথের বার্তা বিভ্রান্ত, বিজনে ।
তোমার অন্তর মাঝে অহনিশি অঁকে মুতি তার,
তোমার অন্তর মাঝে সৃষ্টি করে বহিঃ আকাঙ্ক্ষার,
সুন্দর করিছে সৃষ্টি বাসনার সম্পূর্ণ জোয়ার,
প্রকাশের মুক্ত ছন্দে অগ্নিশিখা জ্বলে আকাঙ্ক্ষার ,
কবির অন্তর মাঝে নেকাব তুলিয়া নেয় সে চির সুন্দর,
সিনাই পাহাড় থেকে সৌন্দর্যের তীব্র দ্যুতি পাঠায় খবর ,
দৃষ্টিতে সুন্দর তার নিমেষে সুন্দরতর, প্রিয়তর অপূর্ব ষাদুতে ।
বুলবুল শিখছে গান অফুরন্ত তার ওষ্ঠপুটে,

গোলাবের রক্তাধর বর্ণে তার হ'য়েছে উজ্জল,
তার অনুরাগে জ্বলে পতঙ্গের প্রেমী বক্ষতল,
প্রেম কাহিনীর পটে সেই তো জাগায় রঙ সুতীর উজ্জল ।

সমুদ্র পৃথিবী এই সংগোপন মাটি ও পানিতে,
শতেক তরুণী বিশ্ব সংগোপন আছে তার অন্তর নিভূতে ।
মননের মরু মাঠে ফোটেনি মখন ফুল জীবনের অজানা প্রহরে
আনন্দ ব্যথার গান শোনেনি তখন কেউ সুরহারা নির্জন প্রান্তরে ।

তার সুরজাল হেথা ব'য়ে আনে মোহময় মাদু অপরূপ,
একটি কেশের সাথে টেনে আনে পর্বতের সমগ্র স্বরূপ,
চাঁদ সিতারার সাথে চিন্তার সহস্র বিশ্ব পাড়ি দেয় একা,
জানে না কুরূপা পৃথি ; সৃষ্টি করে এ সৌন্দর্য লেখা ।

আব-হান্নাতের প্রার্থী দ্রাম্যমান সে এক খিজির ।
সূচির-তিমির-গর্ভে আছে তার শ্রেষ্ঠ কাম্য নীর,
নীরব অশ্রুতে তার প্রাণবন্ত অস্তিত্বের তীর ।

মৃদুগতি চলি মোরা অনভিজ্ঞ নূতন স্বাগতিক,
পায়ে পায়ে প'ড়ে যাই স্থলিত পথের মাঝে বিদ্রান্ত পথিক,
সংগীতের সশ্বেদানে ভোলায়েছে আমাদের পথে বুলবুল,
খেতেছে কুহক মান্না, অনন্ত পথের দিশা ক'রে দিতে ভুল,

যেন সে চালাতে পারে প্রাণ-উষ্ণ জ্বালাত্ ভূমিতে ;
জীবনের ধন যেন পূর্ণ চক্ররূপ নেন্ন সে মুগ্ধ শোণিতে ।

কাফেলা সম্মুখে চলে হৃদু ঘন্টা ধ্বনি তুলে, দূরে বাঁশী বাজে,
যখন মরুর হাওয়া ব'য়ে যায় হৃদু গতি
পথ খোঁজে গোলাবের স্বর্মগ্রস্থি মাঝে,
তার যাদু স্পর্শে জাগে জিজ্ঞাসা-চঞ্চল এ জীবন,
এ বিশ্বের জনতারে তার মহফিল মাঝে অনায়াসে করে আমন্ত্রণ !
সুলভ হাওয়ার মত হেলাভরে দিয়ে যায় অফুরন্ত প্রাণ-শক্তি তার ।

সেদিন ঘূণিত জাতি মৃত্যুর সম্মুখে শ্রান্ত
রেখে যায় জীবন সন্তার ;
ঘূণিত তাদের কবি বিলুপ্ত করে যে এসে
জীবনের আনন্দ অপার ।

* * *

কাব্যের ঐশ্বর্য ভাঙারে সঞ্চিত থাকে
যাচাই করিয়া নাও জীবনের পরীক্ষা পাথরে,
চিন্তার উজ্জল দীপ্তি জীবনে দেখায় পথে কর্মের প্রহরে ;
বিদ্যুৎ-চমক জানি অগ্রগ্রামী আসন্ন বজ্রের ।
কাব্য সৃজনের মাঠে দিতে পারে শক্তি সে যোগ্যের,
আরবের মৃত্তিকায় ফিরে যেতে দেয় সে যোগ্যতা ।

অন্তরে অঁকিয়া নিয়ো সাল্‌মা আরাবীর পুণ্য কথা
 হেজাজের উষা যেন জাগে “কুর্দ” শব্দরীর ক্লাস্ত মধ্যভাগে ।
 গোলাব তুলেছো তুমি ইরানের শত গুলবাগে,
 দেখেছো ইরানে, হিন্দে অপরূপ সৌন্দর্য-বিহার,
 মরুভূমির ঋরোত্তাপ অনুভব কর একবার !
 প্রাচীন খজুর সুরা একবার কর তুমি পান,
 তোমার শিয়রে তার তপ্ত বক্স হোক উপাধান,
 সমর্পণ কর তনু আজ তার উত্তপ্ত হাওসায় ।
 রেশম-বিলাসী তুমি, ঠাই নাও অমসৃণ কার্পাস শয্যায় ।


পুষ্পের কোমল পর্ণে নৃত্য করিয়াছ তুমি বংশ পরম্পরা,
 কোমল শিশিরে ওষ্ঠ সিঞ্জন ক’রেছ তুমি ওগো রক্তাধরা,
 স্বপ্নস্ত বালুর পরে ছুঁড়ে ফেল আজ আপনারে,
 ডুবে যাও, ডুবে যাও জমজমের পুণ্য উৎস ধারে ।
 বুলবুলের মত তুমি কেঁদে যাবে কত কাল কান্না ব্যর্থতার ?
 কত কাল রবে তুমি বিলাসী বাসিন্দা বাগিচার ?

* * *

বাঁধো নীড় পর্বতের উন্নত শিখরে,
 বিদ্যুৎ-বজ্রাগ্নি ঘেরা সুদূর্গম উচ্চতার শীর্ষে বাঁধো নীড়,
 ঈগলের নীড় ছেড়ে আরো উর্ধ্বে আরো উর্ধ্ব সুরে,
 যেন যোগ্য হ’তে পারো জেহাদের—এই জিন্দেগীর ;
 তোমার তনু ও আত্মা দগ্ধ হ’তে পারে যেন
 এই প্রাণ-বহির উপরে ॥

ঈমান

‘লা-ইলাহা ইল্লাল্লাহ’ রশ্মি আছে বুকে যতক্ষণ
পারবে সহজে তুমি গিষে যেতে অনায়াসে সকল ভীতির আক্রমণ।
নিষ্কম্প আত্মার মত আল্লাতে বিশ্বাস যার পরিপূর্ণ তনুর মাঝারে,
হয় না সে নত শির, হয় না সে ব্রহ্ম কোন বিভ্রান্ত শক্তির অহঙ্কারে !
পত্নী আর সন্ততির মোহ থেকে মুক্ত সেই জন
সংষত, খোদার রাহে পারে সে কোরবানী দিতে পুত্রকে আপন।
হয়তো সে সংগীহীন, শক্তিমান তবুও সে পূর্ণ এক বাহিনীর মত,—
মূল্যহীন তার কাছে প্রথাস বায়ুর চেয়ে জিন্দেগানী মুক্ত আনাত ॥



শৃঙ্খলা

সুরভিত হয় বায়ু বন্দী হ'লে কুসুমের বুকে,
সুরভিত হয় মেশ্বক বন্ধ হ'লে নাভিমূলে কস্তুরী মৃগের,
আকাশে সিতারা চলে প্রাকৃতিক বিধানের নীচে নতমুখে
জ্যেগে ওঠে তৃণদল মেনে পস্থা ক্রমবর্ধনের ।
অশেষ দহনে জ্ব'লে আলোক বিলায়ে চলা ধর্ম প্রদীপের,
শিরায়, শিরায় চলা নৃত্যপরা ধর্ম শোণিতের,
ঐক্যের বিধানে ক্ষুদ্র বাস্তবিস্মৃ হয় এক সমুদ্র উত্তাল,
ঐক্যের বিধান মেনে ক্ষুদ্র বালুকণা হয়

অন্তহীন সাহারা বিশাল ।

আইনের আনুগত্য যদি আনে এইভাবে শক্তি অফুরান,
শক্তির উৎসকে তবে কেন কর অবহেলা ক্লাস্ত, ভীক প্রাণ ॥

মর্দে মোমিন

নেমে এস তুমি আজ অদৃষ্টের আরোহী—সওয়ার !
নেমে এস দীপ্ত শিখা যুগান্তের, — পরিবর্তনের ;
দীর্ণ ক'রে যাও তুমি আমার সঘন অন্ধকার ,
আলোকিত ক'রে তোল দৃশ্য অস্তিত্বের ।
স্তব্ধ ক'রে দাও তুমি সমস্ত জাতির কোলাহল,
জালালের মাধুরিতে উঠুক সম্পূর্ণ হ'য়ে
সুরধারা,—মুক্ত ; প্রাণোচ্ছল ।

ওঠ, জাগো মুক্ত প্রাণ আবার বাজায়ে যাও
সুমহান ভ্রাতৃহের সুর,
প্রেমের সে পাল দাও ফেরায়ে সবার হাতে
(সুরার সুরাহি ভরপুর),
প্রশান্তির দিন ফের ব'য়ে আনো পৃথিবীতে আর একবার ;
শান্তি বাণী নিয়ে যাও যুদ্ধকামী মানুষের জীবনে আবার ।
সমগ্র মানব জাতি শস্যক্ষেত্র ঘেন আর তুমি তার পূর্ণাঙ্গ ফসল.
জীবন যাত্রার পথে সংখ্যাহীন কাকেলার মজিল ;—তুমি সে লক্ষ্যস্থল ।
হৈমন্তী শাসনে ঝরা পত্র দলে এস তুমি বসন্তের মত,
নিয়ে যাও আমাদের প্রেম প্রীতি হৃদয়ের,—মুক্ত, অনাহত ।
যে সম্মান আমাদের সে শুধু তোমারি ঋণ ওগো অন্যমনা ।
নীরবে আনত মুখে ব'য়ে যাই আজ মোরা
জীবনের ব্যথা ও বেদনা ॥

কণিকা

ধর্ম কি জানো ?

—মৃত্তিকা থেকে উত্থান !

যেন এ আত্মা খুঁজে পায় তার সত্তার সন্ধান ॥

*

কর উন্নত সত্তা এমন

যেন তবুদির লেখার আগে

গুধান আল্লা বান্দাকে : বল

কি বাসনা তোমার হৃদয়ে জাগে ॥

*

খোদার প্রেমের আলোকে মখন

খুঁজে পায় নর সত্তা ফের,

শাহানশাহীর রহস্য স্বত

তখনি তো ভাসে দুই চোখে

গোলামের ॥

*

শোন হ'শিয়ার পাছ সূজন

তোমার চলার পথে গো যদি

গুলশান থাকে, হও শবনম ;

সাহারা থাকিলে তুফান হও ॥

দূর্ব্বার তরঙ্গ এক ব'লে গেল তীর-তীর বেগে ,
ব'লে গেল : আমি আছি, যে মুহূর্ত্তে আমি গতিমান,
যখনি হারাই গতি সে মুহূর্ত্তে আমি আর নাই ॥

*

জরাজীর্ণ এ আকাশ, পুরাতন এ সব তারা-রা,
আমি শুধু চাই তারে সদ্যজাতা যে পৃথ্বী নূতন ॥

*

হারালো যখন ধর্ম্মাবরণ
একতা কোথায় রহিল হায় !
ঐক্যসূত্র গেল যদি ভাই
মিল্লাৎ সাথে নিজ বিদায় ॥

*

হারায় গরিমা , সম্মান,—জাতি আকাশ খিলান তলায়,
হারায় যখন সে আত্মজান ধর্মে , কাব্যকলায় ॥

*

জীবন যেখানে ক্লীণ স্রোতা নদী গোলামীর ছোঁওয়া লেগে,
আজাদীর মাঠে সেথা সীমাহীন সমুদ্র ওঠে জেগে ॥

বিশ্বাসহীন কাফের যে দীন বিস্মে হয় সে হারা,
মুমীনের মাঝে হারায় নিখিল জগতের প্রাণধারা ॥

*

বসন তোমার হয়নি মলিন
স্বদেশ-ধূলিতে অপরিসর,
তুমি ইউসুফ নয়নে তোমার
কেনান সমান প্রতি মিশর ॥

*

আনো বিশ্বাস ধরাজিত জন
কুদরতী হাত তুমি খোদার !
হে গাফেল ! যদি আনো বিশ্বাস
পদানত তুমি রবে না আর ॥

*

ব্যক্তির প্রাণ সমাজ সঙ্গ
আর কিছুতেই নয় !
সিদ্ধু-বক্ষে বাঁচে তরঙ্গ
আর কিছুতেই নয় ॥

*

সব হৃদয়ের ঐক্য-সূত্রে
সমাজ-দেহের এ পরিচয়,

একটি আলোর শিখা নিম্নে জ্বলে
এ সিনাই চির জ্যোতির্ময় ॥

*

একটি কথার গ্রন্থি হারায়
শুমনে কবিতা অর্থহীন,
যে সবুজ পাতা হারায় প্রশাশা,
হারায় সে তার ফাগুন দিন ॥

*

সত্য ন্যায়ের সবক নে ফের,
নে সবক তুই বীরত্বের,
তোরে দিয়ে কাজ হবে রে আবার
সারা দুনিয়ার ইমামতের ॥

*

সৃষ্টির আদি ঋগ থেকে আছে চালু
এই পদ্ধতি, এই রীতি পুরাতন,
নবীর দীপ্ত প্রদীপ শিখার সাথে
আবু লাহাবের দম্ব চিরন্তন ॥

*

যে নর খজুর ধরে আল্লা ছাড়া অপরের তরে,
তার দপী তলওয়ার বিদ্ধ হয় চির দিন নিজের পঙ্করে ॥

*

যেদিন বিচ্ছিন্ন হ'ল ধর্ম আর রাষ্ট্র একে একে ;
লালসার আধিপত্য দেখা দিল সেই দিন থেকে ॥

*

বাদশাহী বিক্রম আর পরিহাস এ গণতন্ত্রের,
বিচ্ছিন্ন যখন ধর্ম রাজনীতি থেকে
অবশিষ্ট থাকে শুধু নীতি চেঙ্গিজের ॥

*

ব্যক্তি ও সমাজ যদি যুক্ত হয় খুলে যায় রহস্যের দ্বার,
সমাজ সান্নিধ্যে পায় ব্যক্তির মানস চির মূল্য পূর্ণতার,
সমাজের সাথে রাখো সখ্যতা, সংগ্রামী হও , হও মুক্তপ্রাণ ;
মহান নবীর কথা মনে রেখ : দলত্যাগী সে যে শয়তান ॥

*

মানুষের সেবা শুধু নেতৃত্বের মূলতত্ত্ব

মোদের জীবন পদ্ধতির,

ফারুকের ইনসাফ সহজ, সরল আর

নিবিলাস জীবন আলীর !

সাদা দিল মুসলিম নিল এই পৃথিবীতে নেতৃত্ব যখন ;

ঐশ্বর্য, শক্তির মাঝে নিল বেছে নিবিলাস ফকীরী জীবন ॥

*

মুস্তফার মুহব্বত অমূল্য পাথের যার জীবন পথের

পর্ণ আধিপত্য তার প্রসারিত জলেছলে এই জাহানের ॥

স্বাধীন তিমির মত বাস কর অন্তহীন সমুদ্র সালিলে ।
যে নর সন্তাকে তার মুক্ত করে সীমানার কারাগৃহ থেকে
ক্ষুদ্রতার গণ্ডী ভেঙ্গে চিত্ত তার মুক্তি পায়
আদিগন্ত আকাশের নীলে ॥

*

তারায় তারায় গ্রহে সিতারায় র'য়েছে বিশ্ব ছড়ানো
সংকরমান প্রজার চোখে নতুন আকাশ জড়ানো ।
দৃষ্টি যখন ফেরায়েছি আমি মোর আশ্রয় পাথারে ;
দেখেছি তখন আছে সুগোপন সিন্ধু আমান্নি মাঝারে ।

*

লাভ লোকসান হিসাব ছাড়ানো
বেঁচে থাকা জানি সেইতো জীবন,
কতু রাখা প্রাণ, কতু দেওয়া প্রাণ
জানি জানি আমি এইতো জীবন ॥

*

মর্দে মোমেন—ঈমানদারের
নিশানি জানাই, শোন ,
মরণ লগ্নে হাসি ছাড়া মুখে
চিহ্ন রবে না কোন ॥

*

আসবে সূরের হারানো রেশ, হয়তো সে আর আসবে না,
হেজাজ হাওয়া আসবে অশেষ, হয়তো সে আর আসবে না,
সীমান্তে আজ প'ড়ল এসে এই ফকীরের দিনগুলি ;
আসবে নতুন ধানী এ দেশ ; হয়তো সে আর আসবে না ॥

পাহাড় ও কাঠবিড়ালি

কাঠবিড়ালির কাছে পাহাড় বল্ল বিজ্ঞ মন্যদানে,
“পারিসনে তুই ম’রতে ডুবে ডরা দীঘির মাঝখানে ?
একটুখানি জিনিষ তবু অহঙ্কারের ডাব দেখি,
বল্বে কি আর সামান্য জ্ঞান, সব-ই ফাঁকা ; সব মেকি ।
নগণ্য যা পাচ্ছে কদর এখন খোদার কুদরতে,
বেকুব এবং বাজে লোকের কাছেই ধরা হয় ফতে ।
কেমন ক’রে আমার সাথে হয় তুলনা মন মত,
এই দুনিয়া, জাহান সারা আমার কাছে হয় নত ;
আমার যত গুণ গরিমা । …কি আছে তোর সন্ধান ?
কোথায় বিশাল পাহাড় আবার কাঠবিড়ালি কোন্‌খানে ?”

কাঠবিড়ালি বল্ল রেগে, “সামাল দিয়ে কও কথা,
বাজে বুলি, বুক্‌নি শোনে ;—মাথায় কারো নাই ব্যথা ।
নাই বা হ’ল তোমার মত প্রকাণ্ড এই ধড়খানা,
নও ভুমিও আমার মত এই কথাই যায় জানা ।
পন্নদা হ’ল এই জাহানে সব-ই খোদার কুদরতে,
কেউ বড় আর কেউ ছোট ভাই, সবই খোদার হিকমতে ।
বিরিাট বপু ক’রে ধরায় তোমায় গ’ড়ে দেন যিনি,
হাল্কা দেহে গাছে চড়ার শক্তি আবার দেন তিনি ।

এক পা চলার নাইতো মুরোদ, তাকত কিছু নাই কাছে,
ব্যর্থ বড়াই করা ছাড়া আর কি তোমার স্তম্ভ আছে ?
হও যদি ভাই বড় তুমি চল আমার পথ ধ'রে,
এক রত্তি সুপুঁরিটা ভাঙে দেখি জোর ক'রে ।
এই দুনিয়ার ম'ফিল মাঝে অকোজো নয় তাই কিছু ;
আল্লা পাকের কারখানাতে খারাব ব'লে নাই কিছু !”

দোওয়া

আমার মনের সাধ যা কিছু

দোওয়ার মত ফুটছে জানি,

চিরাগ যেমন তেমনি যেন

হয় খোদা, মোর জিন্দেগানি ।

এই দুনিয়ার অঁধার যেন

দূর হয়ে যায় আমার দেখে,

রোশ্‌নি যেন পায় সকলে

আমার আলোক-রশ্মি থেকে ।

সুন্দর হয় আমার বাঁচায়

যেন আবার এই জাহান,

ফোটা ফুলের শোভায় যেমন

হাসে সোনার গুলিস্তান ।

পতঙ্গ হয় যেমন, খোদা ।

তেম্‌নি কর আজ আমারে,

ভালবাসি যেন আমি

মুক্ত জানের দীপ শিখারে ।

জীবন আমার করে যেন

দুঃস্থ জনে সমর্থন,

দুঃখী এবং বৃদ্ধ জয়ীফ

যেন আমার হয় আপন ।

আল্লা মালিক ! প্রভু আমার
বাঁচাও পাপের কলুষ থেকে,
চালাও আমায় সেই পথে,—যার
লিখন শুধু পুণ্য লেখে ॥

পরিশিষ্ট

ইকবাল-চর্চা

একজন শ্রেষ্ঠ দার্শনিক-কবি হিসাবে আল্লামা মুহাম্মদ ইকবাল আন্তর্জাতিকভাবে সুপরিচিত : তাঁর জীবদ্দশায়ই তিনি ইসলামী আদর্শ ও ঐতিহ্যের রূপকার, মহৎ মানবতাবাদী কবি হিসাবে স্বদেশে-বিদেশে খ্যাতি ও প্রতিষ্ঠা লাভ করেন। তাঁর রচনার অন্তর্গত বাণীর আবেদন ছাড়াও, রূপের ঐশ্বর্য এবং শিল্প-সাফল্যও ইকবালকে এই খ্যাতি ও প্রতিষ্ঠা দেয়। স্বদেশের বিভিন্ন ভাষায় যেমন, তেমনি আন্তর্জাতিক দুনিয়ার বিভিন্ন ভাষায়ও ইকবালের কবিতার, কাব্যগ্রন্থের এবং দার্শনিক-চিন্তামূলক প্রবন্ধাদির অনুবাদ হয়েছে। এই অনুবাদের তালিকা যেমন দীর্ঘ, তেমনি অনুবাদকের সংখ্যাও স্বল্প নয়। ইকবাল-কাব্যের অনুবাদকদের মধ্যেও অনেকেই আন্তর্জাতিক খ্যাতি-সম্পন্ন।

বিশ্বের বিভিন্ন দেশের ভাষায় ইকবালের রচনা ব্যাপকভাবে অনুদিত হলেও এ-সম্পর্কে আমরা খুব বেশী অবহিত নই ; কয়েক বছর আগে সাপ্তাহিক ‘দেশ’ পত্রিকায় তরুণ কুমার ভাট্টারী লেখা ‘মরু-প্রান্তর’ শীর্ষক একটি ধারাবাহিক রচনায় ইকবাল-কাব্যের অনুবাদ সম্পর্কে তথ্যপূর্ণ বিস্তারিত আলোচনা স্থান পেয়েছিল। বিশ্বের বিভিন্ন ভাষায় ইকবালের রচনার অনুবাদ ছাড়াও প্রাচ্যের এই মহাকবির অগ্ন্যাগ্ন রচনাও যে ব্যাপকভাবে পঠিত ও অনুদিত হচ্ছে, ইকবাল-চর্চায় অনেক খ্যাতনামা লেখক, গবেষক-পণ্ডিত তাঁদের শ্রম ও অতিনিবেশ নিয়োজিত করেছেন, তা বিভিন্ন তথ্য থেকেই জানা যায়।

আফগানিস্তান, ইরান প্রভৃতি প্রতিবেশী দেশ ছাড়াও, মধ্যপ্রাচ্যের এবং আরব জাহানের অগ্ন্যাগ্ন দেশেও ইকবালের রচনা অনুদিত হয়েছে, এবং ইকবাল-চর্চা চলে আসছে বহুকাল থেকেই। উর্দু, ফারসী, ইংরেজী— এই তিন ভাষায়ই ইকবাল কাব্য রচনা করেছেন, যদিও তাঁর দার্শনিক রচনাবলী প্রধানতঃ ইংরেজীতেই লেখা। প্রসঙ্গতঃ উল্লেখ্য যে, ইকবালের ‘পায়ামে মাশরিক’ কাব্যগ্রন্থটি আফগানিস্তানের বাদশাহ আমানুল্লাহর নামে কবি উৎসর্গ করেছিলেন। আফগানিস্তান ভ্রমণ ও

কাবুলে অবস্থানের অভিজ্ঞতা ইকবাল লিপিবদ্ধ করেছেন তাঁর ‘পরিব্রাজক’ শীর্ষক কবিতায়। প্রাচ্যের এই দার্শনিক মহাকবিকে কাবুলের সুখীমণ্ডলী ও সারস্বত সমাজ আন্তরিকভাবে অভিনন্দিত করেন। জীবদ্দশায়ই ইকবাল এই প্রতিবেশী দেশের স্বীকৃতি, সম্মান ও শ্রদ্ধা কুড়ান। সরদার সালাহউদ্দীন সেলজুকি ও অন্যান্য অনেক পণ্ডিত ব্যক্তি সেকালেই ইকবালের কবিতা ও জীবনদর্শন সম্পর্কে অনেক প্রবন্ধ রচনা করেন, এবং সে-সব গ্রন্থাকারেও প্রকাশিত হয়।

ইরানে ইকবাল-চর্চা ব্যাপকভাবে শুরু হয় ত্রিশের দশকের শেষ দিকে ; প্রখ্যাত ফারসী কবি বাহার খোরাসানী ইরানে ইকবালকে পরিচিত করার ব্যাপারে অগ্রণীর ভূমিকা পালন করেন। তিনি তাঁর বিখ্যাত সমালোচনা-মূলক গ্রন্থ ‘সচক নিনাসী’তে ইকবাল-কাব্যের আলোচনায় একটি অধ্যায়ই ব্যয় করেন। এ-ছাড়াও একটি দীর্ঘ কবিতায় কবি বাহার ইকবালের প্রতি নিবেদন করেন তাঁর গভীর শ্রদ্ধা। পরবর্তীকালে ইরানে ইকবাল-চর্চা ব্যাপকতা পায় এবং এই দার্শনিক কবির কাব্য ও জীবন-দর্শন সম্পর্কে রচিত হয় প্রচুর প্রবন্ধ, উল্লেখযোগ্য গ্রন্থ। ডঃ মুজতবা মিনাবীর ‘ইকবাল লাহোরী’ শীর্ষক গ্রন্থটি এ-প্রসঙ্গে বিশেষ উল্লেখযোগ্য।

ইকবাল উর্দু ও ফারসী—এই উভয় ভাষায়ই কবিতা রচনা করেছেন ; তবে অনেকের মতে ফারসী ভাষায় রচিত ইকবালের কবিতাবলীই উৎকৃষ্টতর। এর মূলে ফারসী ভাষার শ্রেষ্ঠত্ব এবং কাব্য-ঐতিহ্য কতটা কাজ করেছে, বিশেষজ্ঞরাই তা বলতে পারবেন। তবে, ফারসী যেহেতু উপমহাদেশের বাইরেও প্রচলিত, এবং ইরান দেশের জনগণের ভাষা, সে-কারণেও সম্ভবতঃ ইকবাল ফারসী ভাষায় কাব্য রচনা করে থাকবেন। হয়তো কবির মনে এই বাসনাও সংগোপন ছিল যে, তাঁর বাণী ও কাব্য-শিল্পের আবেদন আন্তর্জাতিক ছনিয়ায়ও ছড়িয়ে পড়ুক। ইসলামী আদর্শ ও মুসলিম রেনেসাঁর রূপকার, এবং স্বদেশ ও স্বজাতির নবজাগরণের বাণী-বাহক হলেও ইকবাল ছিলেন মূলতঃ মানবতাবাদী কবি, তাঁর বাণী এবং কাব্য-শিল্পের আবেদনও তাই বিশ্ব-মানবতার কাছেই। এই প্রেক্ষিতে যথার্থই বলা হয়েছে যে,

‘It is true that Iqbal himself wanted his poetry to reach wide a circle of humanity as was possible, and that was

one of the many reasons why he took to writing in Persian. When a scholar asked Iqbal is to why he started writing Poetry in Parsian in preference to urdu his reply was very significant. Iqbal said : “Because I would not write in Arabic, so I took to Persian.” At that time little did Iqbal know that his works will reach the Arabic-speaking world through excellent translations which would possess all the glory and majesty of the Original.” (Introduction to Iqbal, S-A-Vahid)

অনুবাদের মাধ্যমেই ইকবাল স্বদেশে-বিদেশে বিভিন্ন ভাষা-ভাষী মানুষের কাছে পরিচিত হয়েছেন, শুধু প্রাচ্যে নয়, পাশ্চাত্য জগতেও ইকবালের কবিতা ও অন্যান্য রচনা অনূদিত হয়েছে বিভিন্ন ভাষায়। আরবী ভাষায় ইকবালের রচনাবলী অনূদিত হওয়ার ফলে তিনি আরব জাহানে বিশেষ খ্যাতি ও স্বীকৃতি লাভ করেন। ইকবালের ‘তারানা-ই-মিল্লী’, ‘শিকোয়া ও জওয়াব-ই-শিকোয়া’, ‘পায়ামে মাশরিক’, ‘জরবী-কলিম’, ‘আসন্নর ও রমুজ’ প্রভৃতি কবিতা ও কাব্যগ্রন্থ আরবী ভাষায় অনূদিত হয়েছে। আরবী ভাষায় ইকবাল-কাব্যের অনুবাদে এবং ইকবাল-সাহিত্যের মূল্যায়নে যারা বিশেষ অবদান রেখেছেন, তাঁদের মধ্যে উল্লেখযোগ্য হলেন মিশরীয় কবি সায়িদী আলী সাবলান, ইরাকী কবি আযিনা নূরুদ্দীন, ডক্টর আবদুল ওয়াহাব আজম। আল আজহার বিশ্ববিদ্যালয়ের ফারসী অধ্যাপক, ডক্টর ওয়াহাব আজম একাধারে কবি, ভাষাতত্ত্ববিদ ও সুপণ্ডিত। শুধু ইকবাল-কাব্যের অনুবাদ এবং মূল্যায়নেই নয়, আরব জাহানে প্রাচ্যের এই দার্শনিক কবিকে ব্যাপকভাবে পরিচিত এবং প্রতিষ্ঠিত করার ব্যাপারেও তিনি গুরুত্বপূর্ণ ভূমিকা পালন করেন।

তুরস্কেও কবি ইকবালের ব্যাপক পরিচিতি এবং জনপ্রিয়তা আছে ; তুর্কী ভাষায় অনূদিত হয়েছে তাঁর বহু রচনা এবং একাধিক কাব্যগ্রন্থ। ডক্টর আলী গাজেলী অনূদিত ‘পায়ামে মাশরিক’-এর কথা এ-প্রসঙ্গে বিশেষভাবে উল্লেখযোগ্য। ইকবালের রচনার অনুবাদ ছাড়াও এই কবি সম্পর্কিত সমালোচনামূলক রচনাও প্রকাশিত হয়েছে তুর্কী ভাষায়। ইন্দোনেশিয়ায়ও ইকবাল-কাব্য অনূদিত হয়েছে বহুকাল আগেই।

বাহরাম রাংছতি অনুদিত ইকবালের কবিতা—বিশেষ করে ‘আসরার-ই-খুদী’র অনুবাদ বিশেষ উল্লেখের দাবী রাখে। ইকবালের রচনা ছাড়াও, ইকবাল-সম্পর্কিত আলোচনাও অনেক প্রকাশিত হয়েছে ইন্দোনেশিয়ায়।

প্রাচ্য ও পাশ্চাত্যের বিভিন্ন ভাষায় ইকবাল-কাব্যের ও তাঁর অন্যান্য রচনার অনুবাদ শুরু হয় এই শতকের দ্বিতীয় দশকের দিকেই। কেম্ব্রিজ বিশ্ববিদ্যালয়ের ডক্টর এ. আর নিকলসনকৃত ‘আসরার-ই-খুদী’র অনুবাদ প্রকাশিত হয় ১৯২০ সালে। ইকবালের পরামর্শক্রমে, এই অনুবাদের পরিমার্জিত দ্বিতীয় সংস্করণ প্রকাশিত হয় পরবর্তীকালে। ডক্টর নিকলসন সুপণ্ডিত ও অনুবাদক হিসাবে আন্তর্জাতিক খ্যাতির অধিকারী। তাঁর এই অনুবাদকর্ম আন্তর্জাতিক ছুনিয়ায়—বিশেষ করে পাশ্চাত্যে ইকবালের পরিচিতি ও খ্যাতির প্রসারে বিশেষ সহায়ক ভূমিকা পালন করে। ‘আসরার-ই-খুদী’র অনুবাদ ছাড়াও, নিকলসন ইকবালের অনেক খণ্ড-কবিতারও অনুবাদ করেন, এবং ইকবালের কবিতা ও জীবন-দর্শন সম্পর্কে রচনা করেন বহু মূল্যবান প্রবন্ধ। ইকবাল-কাব্যের আরেকজন প্রখ্যাত ও আন্তর্জাতিক খ্যাতিসম্পন্ন অনুবাদক হলেন অধ্যাপক এ. জে. আরবেরী। তাঁর উল্লেখযোগ্য অনুবাদকর্ম হলো ‘পায়ামে মাশ্রিক’, ‘জবুর-ই-আজম’ ও ‘রমুজ-ই-বেখুদী’।

ইংরেজী ছাড়াও, রুশ, জার্মান এবং ফরাসী ভাষায়ও ইকবালের কবিতা, কাব্যগ্রন্থ ও অন্যান্য রচনা উল্লেখযোগ্য সংখ্যায় অনুদিত হয়েছে। আরলেনজেন বিশ্ববিদ্যালয়ের অধ্যাপক হেল জার্মান ভাষায় অনুবাদ করেছেন ইকবালের ‘পায়ামে মাশ্রিক’। ইকবাল-কাব্যের আরেকজন প্রখ্যাত অনুবাদক ও সমালোচক হলেন অধ্যাপক অ্যানিমেরী শিমেল। তিনি ইকবালের কবিতা, দর্শন ও অবদান সম্পর্কে অনেক গবেষণাধর্মী, তথ্যপূর্ণ ও বিশ্লেষণধর্মী প্রবন্ধ রচনা করেছেন। ইকবাল-চর্চায় তাঁর শ্রম ও অভিনিবেশ, এবং পাণ্ডিত্য আন্তর্জাতিক স্বীকৃতি লাভ করেছে। প্যারিসের মাদাম ইভা মেরুবিচ ফরাসী ভাষায় ইকবালের Reconstruction of Religious ‘Thought in Islam’ (ইসলামে ধর্মীয় চিন্তার পুনর্গঠন) গ্রন্থটির অনুবাদ করেছেন। তাঁর আরেকটি উল্লেখযোগ্য অনুবাদকর্ম হলো ইকবালের Development of Metaphysics in

Persia গ্রন্থটির ফরাসী-রূপান্তর। মূল থেকে ইকবালের রচনার অনুবাদের উদ্দেশ্যে ইভা মেরুবিচ ফরাসী ভাষা শিক্ষা করেন এবং সম্ভবতঃ তিনি ‘জবুর-ই-আজম’ কাব্যগ্রন্থটি ফরাসী ভাষায় অনুবাদও করেন। খতদূর জানা যায়, ইটালীতেই ইকবাল সর্বাধিক জনপ্রিয়। এবং ইটালী ভাষায় তাঁর বহু রচনাও অনূদিত হয়েছে। ইকবালের ‘জাবিদনামা’ কাব্যগ্রন্থের অনুবাদক এবং ইকবাল-সম্পর্কিত বহু মূল্যবান গ্রন্থের রচয়িতা অধ্যাপক আলেক্সান্দ্রো বসানিও ইকবালকে ইটালীতে পরিচিত করার ব্যাপারে বিশেষ অগ্রণীর ভূমিকা পালন করেন। মার্কিন যুক্তরাষ্ট্রে – বিশেষ করে ইয়েল বিশ্ববিদ্যালয়ে ইকবাল-চর্চা শুরু হয়েছে দীর্ঘকাল আগেই। এক্ষেত্রে অগ্রণীর ভূমিকা নিয়েছেন অধ্যাপক এক, এস সি-নর্থস।

উপমহাদেশের বিভিন্ন ভাষায়ও ইকবালের রচনা ব্যাপকভাবে অনূদিত হয়েছে; এসব অনুবাদের অনেকগুলিই মূল থেকে এবং অনুবাদকেরাও স্ব-স্ব ভাষায় খ্যাতিমান কবি-সাহিত্যিক-পণ্ডিত। ইকবালের রচনার অনুবাদ ছাড়াও, ইকবাল-সম্পর্কিত গ্রন্থও কম প্রকাশিত হয়নি। ইংরেজী, উর্দু, বাংলা এবং অগাধ ভাষায়ও গত অর্ধশতকে রচিত হয়েছে বহু গ্রন্থ। বাংলাভাষায় ইকবাল-কাব্যের অনুবাদ এবং ইকবাল-চর্চার পটভূমি এই গ্রন্থের ভূমিকাতেই তুলে ধরা হয়েছে।

মোহাম্মদ মাহফুজউল্লাহ্